

Զ. Ռ. Հարությունյան

ԱՌՎԵՏԱՀԱՅ ՊԱՏՄԱԳՐՈՒԹՅՈՒՆԸ 1920-ԱԿԱՆ ԹՎԱԿԱՆՆԵՐԻՆ

Սովետական իշխանությունը հզոր թափով խթանեց հայ ժողովրդի նյութական և հոգևոր ուժերի աննախընթաց զարգացումը, լավագույն պայմաններ ստեղծեց գիտության, այդ թվում՝ պատմական գիտության զարգացման համար:

1921 թ. հունվարին տեղի ունեցավ Երևանի համալսարանի բացումը, որը հայ ժողովրդի կյանքում կուլտուրական մեծ իրադարձություն էր: Ընդհանրապես օրից սկսած համալսարանը ոչ միայն դարձավ բարձրագույն կադրերի, այդ թվում՝ պատմաբանների պատրաստման դարբնոց, այլև գիտական մտքի խոշոր կենտրոն, որից Այ. Մյասնիկյանի պատկերավոր արտահայտությամբ «կենսատու ճառագայթներ են ցրվում ղեպի երկրի բոլոր ծայրերը»:

1921 թ. փետրվարին ՀՍՍՌ Մեկումի գեկրեստով էջմիածնի մատենադարանի և թանգարանի բազայի վրա հիմնվում է Հայաստանի կուլտուրա-պատմական ինստիտուտը, կամ ինչպես նա 1921 թ. մայիսից վերանվանվեց՝ Հայաստանի գիտական ինստիտուտը, որը առաջին գիտահետազոտական հիմնարկն էր Սովետական Հայաստանում: «Էջմիածնի կուլտուրա-պատմական ինստիտուտը, — ասված է Մեկումի նախագահ Ս. Գասյանի և լուսժողովոմ Ա. Հովհաննիսյանի ստորագրությամբ հրապարակված գեկրեստում, — նպատակ պետք է ունենա գիտական հիմքերի վրա դնել Հայաստանի ժողովրդական կուլտուրաների ուսումնասիրության գործը և միաժամանակ մասսաների սեփականություն դարձնել հնությունը այն բոլոր հիշատակարանները, որոնք գիտական ու գեղարվեստական նշանակություն ունեն և կարող են ադրյուր դառնալ կուլտուրական նոր արժեքների ստեղծագործության»<sup>1</sup>։ Նորաստեղծ ինստիտուտը 1921—1922 թթ. հրատարակում է հայագիտական ի շարք աշխատություններ, «Բանբեր» գիտական աշխատությունների ժողովածուն և ձևոնամուխ է լինում ձևագրական ֆոնդը հարստացնելու գործին: Այդ տարիներին էջմիածնի ինստիտուտում գիտահետազոտական աշխատանքներ էին կատարում Աշոտ Հովհաննիսյանը, Կ. Մելիք-Սահնջանյանը, Խ. Սամվելյանը, Բ. Հովսեփյանը, Ռ. Թորամանյանը, Ն. Տեր-Սինասյանը, Բ. Չուրարյանը և ուրիշներ:

1921 թ. հունիսին ՀՍՍՌ ժողովրդավարական գեկրեստով հիմնվում է Հայաստանի ակադեմիոն թանգարանը: «Հայաստանի հեղափոխական շարժումների ուսումնասիրության գործը գիտական հիմքերի վրա դնելու, — ասված է ՀՍՍՌ ժողովրդավարական նախագահ Ա. Մյասնիկյանի և լուսժողովոմ Ա. Հովհաննիսյանի ստորագրությամբ հրապարակված գեկրեստում, — այլև հեղափոխական շարժումների հիշատակարանները կորուստից փրկելու և մասսաների հեղափոխական դաստիարակության միջոց դարձնելու համար կուսավորությանը

<sup>1</sup> «Հին Հեկրեստների և հրամանների ժողովածու», պրակ 1, էջմիածին, 1921, էջ 108:

ժողովրդական կոմիսարիատին կից հիմնել Հայաստանի հեղափոխության հնադարան» («ՀՍՍՌ գեկրեստների և հրամանների ժողովածու», պրակ 2, էջ 57):

1922 թ. նոյեմբերին նրանում բացվում է պետական թանդարանը՝ հնադիտական, ազգագրական, պատմական, գեղարվեստական, ռեոլյուցիոն և արխիվային բաժիններով: 1923 թ. հիմնադրվեց Կուսպատը՝ Հայաստանի կոմունիստական պարտիայի պատմության նորաստեղծ ինստիտուտը, որը լայն աշխատանք ծավալեց Հայաստանի ռեոլյուցիոն շարժումների և մասնավորապես կոմունիստական պարտիայի պատմության դիտական ուսումնասիրության ուղղությամբ:

Հայաստանի դիտական ինստիտուտը, որը 1925 թվականի ապրիլին վերանվանվեց ՀՍՍՌ Գիտության և արվեստի ինստիտուտի, 1930 թ. վերակազմվում է որպես Գիտությունների ինստիտուտ: Գիտության և արվեստի ինստիտուտը ուներ պատմական-հասարակագիտական բաժին, որի անդամներ էին հաստատված Հ. Մանանդյանը (բաժնի դիտական քարտուղար), Լեոն, Հ. Գյուլի-Քելսվյանը, Մ. Արեղյանը, Հ. Աճառյանը, Հ. Ազատյանը, Ե. Լալայանը, Ա. Քալանթարը, Ա. Խաչատրյանը, Ա. Կարինյանը, Աշ. Հովհաննիսյանը, Գր. Ղափանցյանը, Ա. Տերտերյանը և ուրիշներ: 1926 թ. նոր անդամներ են ընտրվում Թ. Ավդալբեկյանը, Դ. Անանունը, Ե. Շահադիզը, Թրդ-թակից-անդամներ՝ պրոֆ. Լ. Մսերյանցը (Մոսկվա), Հ. Զորյանը:

ՀՍՍՌ Գիտության և արվեստի ինստիտուտն իր գոյության հինգ տարիների ընթացքում բեղմնավոր աշխատանք կատարեց նաև սովետահայ պատմագրության զարգացման բնագավառում: Այդ տարիներին ինստիտուտի պատմա-հասարակագիտական բաժնի անդամները մշակում էին դիտահետազոտական մի շարք կարևոր թեմաներ: Իրենց կատարած դիտական աշխատանքի մասին նրանք ինստիտուտի և բաժնի ժողովներում սխտեմատիկարար հանդես էին գալիս գեկուցումներով, որոնցից մի բանիսը հրատարակվել են ինստիտուտի դիտական «Տեղեկագրում»:

Այսպիսով կոմունիստական պարտիայի և սովետական կառավարության՝ դիտության զարգացման նկատմամբ ցուցաբերած հոգատարության շնորհիվ 1920-ական թվականներին Հայաստանում ստեղծվեց հայ ժողովրդի պատմությունն ու կուլտուրան ուսումնասիրող դիտահետազոտական հիմնարկների մեծ ցանց, ուր դիտահետազոտական լայն աշխատանք էին կատարում մեծ թվով պատմաբաններ, հնագետներ և բանասերներ:

Սովետական իշխանության առաջին տարիներից սկսեց հրատարակվել պատմագիտական դրականություն, մի շարք դիտական ամսագրեր, տեղեկագրեր ու ժողովածուներ<sup>2</sup>, որոնց մեջ սխտեմատիկարար հրապարակվում էին հայ ժողովրդի պատմության առանձին հարցերին նվիրված արժեքավոր ուսումնասիրություններ ու վավերագրեր:

Սովետական իշխանության գոյության առաջին տասնամյակում զգալի տեղաշարժ կատարվեց սովետահայ պատմագիտության մեջ, որի զարգացմանը սկսել էր ձևանալու լինել նաև Հայաստանի պատմաբանների նոր, երի-

<sup>2</sup> «Նոր», 1922—1927: «Նոր աշխարհ», 1922: ՀՍԽՀ Արևանի պետական համալսարանի «Տեղեկագիր», 1925—1930 (1930 թվականից հետո լույս է տեսնում «Գիտական աշխատությունների ժողովածու» անունով): ՀՍԽՀ Գիտության և արվեստի ինստիտուտի «Տեղեկագիր» 1926—1931: «Լենինյան ուղի», 1928—1934: «Նոր ուղի», 1929—1932 և այլն:

տասարդ սերունդը: Պատմաբանների և բանասերների ավագ սերնդի առաջավոր ներկայացուցիչները Հոկտեմբերյան ռեոլյուցիայի հետևանքով կատարված իրադարձություններից հետո պաղատարարական կոչի շրջադարձ կատարելով փորձեցին մոտենալ պատմության մատերիալիստական բմբունմանը, ջանալով հայոց պատմությունը շարադրել նոր, մատերիալիստական մեթոդով: Նախապես առաջին հայերեն լեզուի համալսարանի պատմության ամբիոնի ղեկավար Գևորգ Գևորգյանը, սակայն այդ նրանց թիվ էր հաջողվում:

Սովետահայ պատմագրության մեջ հետզհետե տիրապետող դիրքեր են զբաղեցնում մարքսիստ-պատմաբանները, որոնց մի մասի հայացքները ձևավորվել էին դեռևս սովետական կարգեր հաստատվելուց առաջ՝ Սովետահայ մարքսիստական պատմագրության հետագա զարգացման գործում մեծ դեր խաղաց մարքսիստ-պատմաբանների առաջին համագումարը, որը տեղի ունեցավ 1928 թ. դեկտեմբերին Մոսկվայում: 1930 թ. նրանում ստեղծվեց մարքսիստ-պատմաբանների համամիութենական ընկերության հայկական բաժանմունք, որի վարչության մեջ մտնում էին Հ. Զորյանը, Արզախ Զովհաննիսյանը և Կ. Ղազարյանը:

Սովետահայ պատմագրությունը պարզանում էր որպես ամբողջ սովետական պատմագրության մի բաղկացուցիչ մասը, ուստի և նա իր վրա կրում էր ոչ միայն վերջինիս գրական ազդեցությունը, այլև որոշ դեպքերում պարունակում էր նաև սխալներ, որոնք գրանցվում էին նրա մեջ:

Սովետական Հայաստանի պատմաբանների առջև կանգնած էր անցյալի պատմական հարուստ ժառանգության քննադատական վերամշակման բարդ, բայց միաժամանակ կարևոր խնդիրը: Հարկավոր էր ոչ թե հախուռն կերպով մերժել, այլ վերստույգել այն ամենը, ինչ արել էին հայապետների նախորդ սերունդները: Սովետահայ պատմագրության առաջնահերթ խնդիրը դարձավ հատկապես դասակարգային պայքարի ու ռեոլյուցիոն շարժումների պատմության գիտական ուսումնասիրությունը:

Այդ տարիներին Սովետական Հայաստանում ևս տեղի էր ունենում սուր պայքար բուրժուական ամեն տեսակ պաղատարախոսության, առաջին հերթին դաշնակցության պաղատարախոսության դեմ: Մարքսիստ-պատմաբանները պայքարում էին հայ կուրա-ֆեոդալական և բուրժուա-նացիոնալիստական պատմագրության կոնցեպցիաների դեմ, ճանապարհ հարթում սովետական պատմական գիտության պարզաման համար: Հայտնի է, որ հայ բուրժուա-նացիոնալիստական պատմագրությունը հայ ժողովրդի պատմությունը պատկերում էր որպես մի միասնական հոսանք, ժխտելով պատկարգային հակամարտ ուժերի առկայությունը և նրանց միջև գոյություն ունեցած դասակարգային պայքարը:

Սովետահայ պատմագիտության զարգացման հիմքում դրվեցին մարքսիզմ-լենինիզմի կլասիկների երկերը, որոնք Հայաստանում սովետական կարգեր հաստատվելուց հետո թարգմանվում և մասսայաբար հրատարակվում են հայերեն: Մարքսի-լենինիստ-լենինի անմահ աշխատությունները հզոր ջանքերով լուսավորում են ինչպես բոլոր ժողովուրդների, այնպես էլ հայ ժողովրդի պատմական զարգացման ուղին: Այդ աշխատությունները, նրանց մեթոդոլոգիական գրությունները սովետահայ պատմաբանների համար ևս լուսատու ուղեցույց են դառնում ճշմարտացի և գիտականորեն շարադրելու հայ ժողովրդի բազմադարյան պատմությունը՝ հնադույն ժամանակաշրջանից մինչև մեր օրերը:

\* \* \*

Հին և միջնադարյան Հայաստանի պատմության գիտական հետազոտման գործում աչքի ընկնող դեր է կատարել ակադեմիկոս Լ. Մանանդյանը: Իր գիտական գործունեությունը սկսելով դեռևս 19-րդ դարի վերջին, Լ. Մանանդյանը, ինչպես հին սերնդի բազմաթիվ այլ հայագետ-պատմաբանները, միայն սովետական շրջանում կարողացավ զրոհորել իր փայլուն բնդունակությունները հայագիտության, մասնավորապես պատմագիտության բնագավառում: Լինելով նրանի համալսարանի առաջին ուսկույրը, իսկ մի շարք տարիներ նաև պատմագրական ֆակուլտետի դեկանն ու հայ ժողովրդի պատմության ամբիոնի վարիչը, Լ. Մանանդյանը մեծ դեր է խաղացել նաև Հայաստանում պատմաբանների կադրեր պատրաստելու գործում:

Լ. Մանանդյանը սովետական իշխանության տարիներին դարձավ սովետական պատմագիտության ավագ սերնդի ականավոր դեմքերից մեկը: Ունենալով անընդհատ որոնող և խորախափանց միտք, լավատեսյակ լինելով հայկական, ռուսական և ընդհանուր պատմության, մանավանդ անտիկ աշխարհի պատմության սկզբնաղբյուրներին, հանդես բերելով պատմա-բանասիրական ու աղբյուրագիտական բարձր էությունից ալակադեմիկոս Լ. Մանանդյանը իր բարձրարժեք աշխատություններով հարստացրեց սովետական պատմագրությունը, մեծ ծառայություններ մատուցեց սովետական պատմական գիտության զարգացմանը:

1920-ական թվականներից սկսած հրատարակվում են Լ. Մանանդյանի մի շարք աշխատությունները, որոնց մեծագույն մասը նվիրված է հին և միջնադարյան Հայաստանի սոցիալ-տնտեսական կյանքի ուսումնասիրությանը: Լ. Մանանդյանը սովետահայ առաջին գիտնականն էր, որը շնայած հայ պատմիչների տված կցկուտուր տեղեկություններին, իր հմտալից աշխատություններով կարողացավ վեր հանել շինական դասի սոցիալական և իրավական վիճակը, ուրվագծել միջնադարյան Հայաստանի սոցիալ-տնտեսական պատկերը: Այդ պորտրետին է նվիրված նրա «Բիտոգություններ հին Հայաստանի շինականների պատկերի մասին մարգարության շրջանում» աշխատությունը, որը լույս է տեսել 1925 թվականին:

1926 թ. լույս է տեսնում Լ. Մանանդյանի «Հայաստանի արևմտի հաբկերը մարգարության շրջանում» աշխատությունը, որի մեջ քննության է առնվում 5—7-րդ դարերի Հայաստանի հարկային սխեման: 1927—1928 թթ. երկու պրակով հրատարակվում է «Նյութեր հին Հայաստանի տնտեսական կյանքի պատմության» խորագրով հետազոտությունը, որի մեջ տրվում է հայ մատենագրության և արձանագրությունների մեջ եղած սոցիալական ու տնտեսական տերմինների բանասիրական վերլուծությունը: Մակայն սկսած է նշել, որ

Լ. Մանանդյանի մի շարք տեսակետները իր ժամանակին քննադատության են ենթարկվել պրոֆ. Ն. Ազոնցի կողմից: «Հայ հին շինականություն» խորագրով կրող գրախոսական լույսով Ն. Ազոնցը պատմա-բանասիրական գիտություններ է կատարում Լ. Մանանդյանի «Գիտություններ հին Հայաստանի շինականների գրության մասին» աշխատության վերաբերյալ: Նա չի բնդունում Լ. Մանանդյանի այն տեսակետը, թե հին Հայաստանում՝ Արշակունյաց շրջանում և նրանից հետո համայնական հողատիրություն է եղել Հայաստանի երկու խոշոր հարևան երկրները՝ իրանական արևելքը և բյուզանդական արևմուտքը: Խոշոր ազդեցության տակ կերտված է հայ կյանքը, գրում է Ն. Ազոնցը, նույնպես ծանոթ չեն եղել համայնական հողատիրությանը: Տե՛ս Ն. Ազոնց, Պատմական հետազոտություններ, Փարիզ, 1918, էջ 157—205:

Ֆեոդալիզմի պատմությունը նվիրված Հ. Մանանդյանի աշխատություններում բավարար չափով չի բացահայտված շինական դասի մեջ գոյություն ունեցող շերտավորումը և չի վերհանված ֆեոդալիզմի դեմ հայ գյուղացիության մղած պայքարը:

Վերոհիշյալ աշխատություններից բացի, ձեռագրի իրավունքով հրատարակվում են Երևանի համալսարանում Հ. Մանանդյանի կարդացած դասախոսությունները<sup>4</sup> Հ. Մանանդյանի այդ պիտքը, որ առաջինն է սովետական իշխանության տարիներին հրատարակված նրա աշխատությունների մեջ, իր վրա կրում էր բուրժուական պատմագրության որոշակի ազդեցությունը: Հեղինակը պատմական երևույթները բացատրելիս առաջ է քաշում ռասայական և կրոնական ազդակների դերը<sup>5</sup>: Թեև հեղինակն այդ աշխատության մեջ զգալի տեղ է հատկացրել սոցիալ-տնտեսական հարաբերությունների լուսարանմանը, սակայն տուրք է տվել նաև տնտեսական մատերիալիզմի տեսությանը:

Հ. Մանանդյանի շատ աշխատություններ հրատարակվեցին հետագա տասնամյակներում, որոնք մեծ ավանդ հանդիսացան սովետահայ պատմագրության մեջ: Մեծանուն գիտնականի պատմագիտական ամբողջ գործունեության ամենախոշոր ծառայությունն այն է, որ նա վարպետորեն վերանայեց և պատմա-քննական բովից անցկացրեց անտիկ և միջնադարյան հեղինակներից մեկ հասած բոլոր տեղեկությունները Հայաստանի մասին: Քննադատական մոտեցում հանդես բերելով պատմական աղբյուրների և պատմական դրականության նկատմամբ, ակադեմիկոս Մանանդյանը հին և միջնադարյան Հայաստանի պատմության բազմաթիվ փաստեր շարադրեց նոր լուսարանությամբ: Ավելորդ չէ հիշատակել, որ Մանանդյանի դրեթև բոլոր աշխատությունների նշանակությունը դուրս է գալիս ազգային պատմության շրջանակներից: Նրանք մեծ արժեք են ներկայացնում ինչպես անտիկ աշխարհի, այնպես էլ Արևելքի ու մասնավորապես Անդրկովկասի ժողովուրդների հին և միջնադարյան պատմության ուսումնասիրման համար:

Ֆեոդալական Հայաստանի սոցիալ-դասակարգային հարաբերությունների լուսարանման ուղղությամբ 1920-ական թվականներին զգալի աշխատանք է կատարել պրոֆ. Հ. Զորյանը: 1927—28 թթ. լույս տեսան նրա «Արաբների հաղթական և փառաբանական շրջանում»<sup>6</sup> և «Արաբական շրջանում ֆեոդալական Հայաստանի փառաբանի և գյուղի միջև ստեղծված հակադրությունը»<sup>7</sup> աշխատությունները: Վերջին աշխատության մեջ հեղինակը վեր է հանել արաբական տիրապետության և բազրատունիների ժամանակաշրջանի ֆեոդալական Հայաստանի արտադրական հարաբերություններում առաջացած որակական փոփոխությունները, գյուղացիության շահագործման սաստկացումը, ինչպես և նրանց տնտեսությունների քայքայման պրոցեսը: Առանձնապես արժեքավոր է Հ. Զորյանի՝ միջնադարյան Հայաստանի գյուղացիական շարժումներին նվիրված աշխատությունը:

4 Հ. Մանանդյան, Հայաստանի պատմությունը թուրք-թաթարական արշավանքների շրջանում, Երևան, 1922:

5 Տե՛ս նշված աշխատության ներածությունը, էջ 41—42 և այլու:

6 Երևանի պետական համալսարանի գիտական «Տեղեկագիր», № 2—3, 1927:

7 ՀՍԽՀ Գիտության և արվեստի ինստիտուտի «Տեղեկագիր», № 2, 3, 1927—1928:

8 Հ. Զորյան, Ֆեոդալական Հայաստանի գյուղացիության շարժումները 10-րդ դարում, Երևան, 1929 (առանձնատիպ՝ Երևանի պետական համալսարանի «Տեղեկագիր» № 4):

Պատմական հետազոտություններից բացի Հ. Զորյանն ունի նաև մի շարք աշխատություններ՝ նվիրված հայ պատմագրության հարցերին: 1928 թ. մասնակցելով Մոսկվայում տեղի ունեցած մարքսիստ-պատմաբանների համամիութենական առաջին համագումարին, նա ՍՍՌՄ ժողովուրդների պատմության սեկցիայում զեկուցում է կարդացել «Հայկական պատմագրության արդի վիճակը» թեմայով, որի մեջ առաջ է քաշել սովետահայ պատմագրության առջև կանգնած հիմնական խնդիրները<sup>9</sup>: Դժբախտաբար, նա ելնելով դոկտրինայի սոցիոլոգիզմի դիրքերից, սուրբեկտիվ, ոչ-ճիշտ մոտեցում է հանդես բերել մի շարք ականավոր պատմաբանների (Լեո, Մանանդյան) գնահատման հարցում:

Հայաստանի սոցիալ-տնտեսական կյանքի առանձին հարցեր հատուկ ուսումնասիրության են ենթարկվել Ռ. Ավդալբեգյանի կողմից: 1920-ական թվականներին գրած նրա մի շարք աշխատությունները մեծ չափով նպաստեցին Հայաստանի սոցիալ-տնտեսական հարաբերությունների լուսարանմանը<sup>10</sup>:

1920-ական թվականներին հրատարակվեցին պրոֆ. Ա. Խաչատրյանի մի շարք կարևոր աշխատությունները հայկական լեոնաշխարհի նախարներին մասին<sup>11</sup>: Ուշագրության արժանի է նաև 1925 թ. հրատարակված տեղագրական ուսումնասիրությունը<sup>12</sup>, թեև այն խստորեն քննադատվել է պրոֆ. Ն. Աղոնցի կողմից<sup>13</sup>:

Առաջին տասնամյակի հնագիտության և ազգագրության վարգացման գործում նշանակալից ավանդ ունեն Հ. Օրբելին, Ա. Քալանթարը, Թ. Ռորամանյանը, Ս. Տեր-Ավետիսյանը, Խ. Սամվելյանը, Ե. Լալայանը, Ստ. Լիսիցյանը և ուրիշներ, որոնց գործերի քննությանը սույն հոդվածում չենք անդրադառնում:

Հայոց պատմության, հնագիտության, ազգագրության և կուլտուրայի առանձին հարցերի շուրջը պրոֆ. Լ. Մելիքսեթ-Բեկը գրել է մի շարք աշխատություններ, որոնց մեծ մասը հրապարակվել է Կովկասի պատմա-հնագիտական ինստիտուտի գիտական տեղակազրում:

1920-ական թվականների սովետահայ պատմագրության աչքի ընկնող դեմքերից էր պրոֆ. Լեոն (Առաքել Բաբախանյանը), որը հայ անցյալ պատմագրության ականավոր ներկայացուցիչներից մեկն է եղել: Լեոն գիտական գործունեության շատ երկարատև ուղի է անցել: Չավազանց բեղմնավոր է

<sup>9</sup> Հ. Զորյան, Մարքսիստ-պատմաբանների առաջին համագումարը, «Նոր ուղի», № 2—3, 1929:

<sup>10</sup> Տե՛ս Թ. Ավդալբեգյան, Բահրան և մյուսքը 17 և 18-րդ դարերում, «Նորք», № 2, 1923: Երկրագործական հավելյալ արդյունքների նորման 17-րդ և 18-րդ դարերում ու 19-րդ դարի սկզբներին, նույն տեղում, № 3: Հաս, Սակ ու Բաժ, ՀՍԽՀ Գիտության և արվեստի ինստիտուտի «Տեղեկագիր», № 1, 1926: Հայ շինականի ու զեղչկուհու աշխատավարձը 5-րդ դարում, նույն տեղում, № 3, 1928: Մի գաղտնիք հայ վիճական արձանագրությունների մեջ ու նրա նշանակությունը Հայաստանի տնտեսական զարգացման պատմության համար, Երևան, 1927: Երկու էջ Հայաստանի ոռոգման պատմությունից, ու նրանց գործնական հետևանքները, Երևան, 1927:

<sup>11</sup> Ա. Խաչատրյան, Միտանի-հուրրի ժողովուրդը, նրա հայրենիքը և պատմական հնությունը, Երևան, 1926: Արիական խավը նախաուրարտյան Հայաստանում, ՀՍԽՀ Գիտության և արվեստի ինստիտուտի «Տեղեկագիր», № 4, 1929:

<sup>12</sup> Ա. Խաչատրյան, Հույն պատմիչների վկայությունը Հին Հայաստանի ոսկե հանքերի ու նրանց տեղի մասին: ՀՍԽՀ պետական համալսարանի «Տեղեկագիր», № 1, 1925:

<sup>13</sup> Ն. Աղոնց, Պատմական հետազոտություններ, էջ 206—222:

Լեյկո նրա դրիչը: Մ. Զամչյանից հետո նա առաջին պատմաբանն է, որ իր «Հայոց պատմություն» եռահատոր աշխատության մեջ սխառմատիկ կերպով շարադրել է հայ ժողովրդի պատմությունը հնագույն ժամանակներից մինչև 18-րդ դարի վերջը, բացառությամբ 12—15-րդ դարերի: Լեյկոյի աշխատությունները, որոնք լայն տարածում են ստացել հայ ընթերցողների մեջ, պարունակում են հարուստ փաստական նյութեր և աչքի են ընկնում ոճի ինքնատիպությամբ, պատկերավորությամբ ու շարադրանքի մատչելիությամբ: Շարադրանքի մատչելիության տեսակետից հայ պատմագրության մեջ ոչ ոք չի գերազանցում Լեյկոյին:

Ուսումնական պատմաբաններից Լեյկոն առաջինն էր, որ ձևոնամուխ եղավ հայ ժողովրդի նոր պատմության սխառմատիկ շարադրմանը: 1920-ական թվականներին բազմավաստակ պատմաբանը դրեց մի շարք նոր աշխատություններ: 1925 թ. հրատարակվեց Լեյկոյի «Անցյալից» հուշերի դիրքը<sup>13</sup>, որը հեղինակը պատմաքննական բովից անց է կացնում 19-րդ դարի երկրորդ կեսից մինչև 1920-ական թվականների սկիզբը ընկած ժամանակաշրջանում հայ ժողովրդի պատմության մեջ կատարված բազմաթիվ իրադարձություններ: Լեյկոյի գիրքը հատկապես աչքի է ընկնում անցյալում թույլ տրված լուրջ սխալների անողոր քննադատությամբ, բազմաթիվ դեպքերի խորը վերլուծությամբ: Հեղինակը փաստական նյութերի հիման վրա մերկացնում է ինչպես հայ բուրժուազիական պարտիաների դործունեությունը, այնպես էլ մեծ տերությունների դիվանագիտական խաղերը: Նա կրքոտ կերպով պատկերում է բուրժուական արևմուտքի իսկական դեմքը հայ ժողովրդի նկատմամբ, և հայ ազգայնական կուսակցությունների՝ նրա հետ կապված խարուսիկ անկալությունների տխուր հետևանքները:

1926—1927 թվականներին լույս տեսավ Լեյկոյի «Հայոց պատմություն», երկու մասից բաղկացած աշխատությունը<sup>14</sup>, որը 1924—1926 ուսումնական տարիներին Երևանի համալսարանում նրա կարդացած դասախոսություններն էին: Այդ աշխատությունը պարունակում է փաստական հարուստ նյութ և երկար ժամանակ ծառայել է որպես հայ ժողովրդի պատմության բուհական ձևանար:

1920-ական թվականներին Լեյկոյի գրած և համահունչ հրատարակված աշխատություններից են «Թուրքիայի հեղափոխության գաղափարաբանությունը»<sup>15</sup> և «Խոջապահան կապիտալը»<sup>16</sup>: Առաջին աշխատության մեջ հեղինակը քննական վերլուծման է ենթարկում հայկական հարցի պատմությունը և վեր հանում հայ հասարակական-բաղադրական հոսանքների ու պարտիաների դործունեությունը սկսած անցյալ դարի 60-ական թվականներից մինչև Հայաստանում սովետական կարգերի հաստատումը: Հեղինակը արևմտահայերի ազատագրական գաղափարախոսությունը, ինչպես ինքն է անվանում թուրքահայ հեղափոխության գաղափարաբանությունը, համարում է հայ ժո-

<sup>13</sup> Լեյկո, Անցյալից: Հուշեր, թղթեր, դատումներ, Թիֆլիս, 1925:

<sup>14</sup> Լեյկո, Հայոց պատմություն: Նորագույն շրջան: Զեղազրի իրավունքով, ապակնտիպ, մասն տոռախի: Երևան, 1926—1927:

<sup>15</sup> Լեյկո, Թուրքահայ հեղափոխության գաղափարաբանությունը, հատ. Ա, Փարիզ, 1934, հատ. Բ, Փարիզ, 1935:

<sup>16</sup> Լեյկո, Խոջապահան կապիտալը և նրա քաղաքական-հասարակական դերը հայկերի մեջ, հատ. Ա, Երևան, 1934:

դովրդի ասորած մեծագույն ոգրերդոյններին ամենասոսկալին «Սկիզբ առնելով 19-րդ դարի 60-ական թվականներին,—գրում է Լեոն աշխատության առաջաբանում,—այս ասպտամբական փոթորկալից շարժումը վերջնական «լուծման» հանգեց, ինչպես հայտնի է, 1914—1918 թվականների համաշխարհային իմպերիալիստական պատերազմի ընթացքում, ամբողջ թուրքահայ ժողովրդի բնաջնջմամբ, թուրքաց Հայաստանի ամբողջ մակերեսից իսպուտան հետաքննմամբ»։ Աշխատության մեջ անխնա քննադատության են ենթարկվում Արևմտյան Եվրոպայի, ցարական Ռուսաստանի և Թուրքիայի պետական ղեկավար գործիչները, հայ բուրժուա-նացիոնալիստական պարտիաները։

«Խոջայական կապիտալը» հիմնականում նվիրված է 17—18-րդ դարերի հայ ազատագրական շարժումներին, որոնք հեղինակի կարծիքով պատրանքներ են եղել։ Աշխատության վերնագիրը ցույց է տալիս, որ հեղինակը հայ ազատագրական շարժման առաջնորդ ուժը համարում է առևտրական, իսկպես ինքն է անվանում՝ խոջայական կապիտալը։

Լեոյի գրչին են պատկանում նաև 1922 թ. «Նորը» ամսագրում հրատարակված «Լուսնունիզմը հայոց պատմության մեջ» և Երևանի պետական համալսարանի «Տեղեկագրում» 1927 թ. հրատարակված «Հայոց պատմության հարցերից» հոդվածները։ Վերջին հոդվածում Լեոն փորձում է հաղթահարել իր իդեալիստական պատմահայեցողությունը և առաջ քաշել հայոց պատմությունը մատերիալիստական մեթոդոլոգիայով շարադրելու հարցերը։ «Մենք ունենք թագավորների, իշխանների և հոգևորականների պատմություն,—գրում է Լեոն,—բայց դեռ չունենք հայ ժողովրդի հասարակագիտական պատմությունը, այնպիսի պատմություն, որի մեջ հանդես գար ինքը՝ ժողովուրդը ... ժամանակակից մատերիալիստական դիտության տեսակետից հայոց պատմությունը դեռ գրված չէ։ Պետք է նրան գրել նորից, այլապես մենք կմնանք առանց պատմության»<sup>17</sup>։

Սակայն Լեոյին չի հաջողվում մոտենալ պատմության մատերիալիստական ըմբռնմանը։ Չկարողանալով լիովին թոթափել իր նախկին իդեալիստական բեռը, բազմաթիվ հարցերում նա հանդում է Լիլեկոտիզմին և թույլ տալիս մի շարք սխալներ։ Լուրջ սխալներ կան Լեոյի հատկապես «Խոջայական կապիտալ» և «Թուրքահայ հեղափոխության դադափարարանությունը» աշխատություններում։ Տուրք տալով սովետական պատմագրության մեջ մի պահ իշխած «առևտրական կապիտալիզմի» սխալ կոնցեպցիային, Լեոն փորձեց հայերի հասարակական-քաղաքական կյանքում տեղի ունեցած բոլոր երևույթները բացատրել տոտորական (խոջայական) կապիտալի ղերով։ Նա 16—20-րդ դարերի հայոց պատմությունը համարում էր խոջայական կապիտալի պատմություն։ «Խոջայական կապիտալը,—գրում է Լեոն,—հանդիսանում է աճիքան մեծ, այնքան անդերակշռելի մի հասարակական ուժ, որ նրան է միայն վերապահվում իրենով լծել հայոց պատմության ամբողջ նոր շրջանը»<sup>18</sup>։

Վերոհիշյալ աշխատություններում Լեոն իր նախկինում արտահայտած տեսակետներին տրամադծորեն հակառակ մոտեցում հանդես բերեց հայ ժողովրդի պատմության բազմաթիվ հարցերում։ «Խոջայական կապիտալ» աշխատության մեջ Լեոն բացասական վերաբերմունք է ցույց տալիս հինգերորդ

<sup>17</sup> Երևանի պետական համալսարանի «Տեղեկագիր», N 3, էջ 398։

<sup>18</sup> «Խոջայական կապիտալ», էջ 6

դարի հայ ազատագրական պատերազմների նկատմամբ: Ժխտելով 451 թ. ապստամբության ժողովրդա-ազատագրական բնույթը, Լևոն այն համարում է կրոնական և նախարարական ու դռնում, որ այդ ապստամբությունը հայ ժողովրդի համար եղել է ղեկավարություն և ազատ: Նույն բացասական վերաբերմունքն է հանդես բերում հեղինակը արարական լծի դեմ հայ ժողովրդի մղած ազատագրական պայքարին<sup>19</sup>:

Հայ-սուսական հարաբերությունների հարցը աչքի ընկնող տեղ է դրավում Լևոնի աշխատություններում: Նախասովետական տարիներին հրատարակած իր աշխատություններում նա մշտապես պաշտպանել է այն ճիշտ տեսակետը, որ Հայաստանի միացումը Ռուսաստանին պատմական անհրաժեշտություն էր, առաջադիմական երևույթ: «Հայերը միմիայն Ռուսաստանի վրա պետք է հույս դնեն» — գրում էր նա<sup>20</sup>: Լևոն մեծ հիացմունքով էր խոսում 17—19-րդ դդ. հայ ազատագրական շարժման, հայ-սուսական հարաբերությունների հաստատման ու ամրապնդման գործում աչքի ընկնող զեռ կատարած Իսրայել Օրու, Դավիթ Բեկի, Հովսեփ Էմինի, Գ. Շահամիրյանի, Մ. Բաղդասարյանի, Ն. Աշտարակեցու, Խ. Արուստյանի, Մ. Նալբանդյանի և մյուս գործիչների մասին: Սակայն 1920-ական թվականներին գրած աշխատություններում Լևոն փոխում էր, որ սուսական տիրապետությունը հայ ժողովրդի համար եղել է բացարձակ չարիք: «Խոջայական կապիտալ» աշխատության մեջ Լևոն ամենաբացասական գույներով է տալիս Ի. Օրու բնութագրեր: Հայ ազատագրական շարժման այդ ոահվիրային նա համարում է «անապարծ», «սոմանտիկ քաղաքական», «արկածախնդիր», «սուսաց նվաճողական իմպերիալիզմին փարած հայ կղերական դիվանագիտության ծառա և գործիք»<sup>21</sup> և այլն: Նման գնահատականներ է տալիս Լևոն նաև մյուս գործիչներին: «Թուրքահայ հեղափոխության զազափարարանությունը» աշխատության մեջ նա պատապարտում է արևմտահայերի ազատագրական շարժումները թուրքական բռնակալության դեմ, համարելով դրանք ողբերգություն, իսկ նրա ոգեշնչողներին՝ արկածախնդիներ, հայաստաններ: Խիստ բացասական գիրքերից մոտենալով Մ. Նալբանդյանի ղեկավարած սևոլյուցիոն-դեմոկրատական շարժմանը, մեղադրելով նրան սուս սևոլյուցիոն նարոդնիկության զազափարները հայ իրականության մեջ մտցնելու և Զեյթունում ապստամբություն պատրաստելու մեջ, Լևոն Մ. Նալբանդյանին անվանում է «բակունիսյան անարխիստ», «բունտագ», «իրականությանը միանգամայն խորթ և օտար», «ողորմելի զազափարնակ հայ խնտելիզմ» և այլն<sup>22</sup>, Լևոնի այս գրույթները միանգամայն սխալ և անբնորոշ են:

Լևոնի պատմական մեթոդոլոգիայի մեջ ցայտուն կերպով արտահայտված է մոդեռնիզացիան: Մոդեռնիզատորները գտնում են, որ պատմությունը քաղաքականություն է՝ շուտ ավանդական անցյալը: Պատմական անցյալում եղած երևույթները նրանց մոտ ստանում են նոր որակ՝ համապատասխան իրենց կոսմոսի սոցիալ-քաղաքական հանգամանքների: Թեև նրանք խոսում են հեռավոր անցյալի մասին, բայց միշտ նկատի ունեն ներկան: Նրանք պատմական իրադարձությունը վերցնում են ոչ այն կապակցությամբ, որի մեջ նրանք տեղի

<sup>19</sup> Տե՛ս Լ. Ե. Կոմունիզմը հայոց պատմության մեջ, «Նորք», 1922, № 1, էջ 144:

<sup>20</sup> Լ. Ե. Գրիգոր Արծրունի, հատ. 2, Թիֆլիս, 1903, էջ 426:

<sup>21</sup> Լ. Ե. Խոջայական կապիտալ, էջ 179, 193, 196, 198, 200, 210, 158 և այլ տեղերում:

<sup>22</sup> Լ. Ե. Թուրքահայ հեղափոխության զազափարարանությունը, հատ. II, էջ 14, 23:

են ունեցել, այլ նրանց վրա սուրյակտիվորեն փոխադրում են այսօրվա ընդ-  
թացրերը և զնահատականները: Լեոն Նաճախ է գործածում անցյալի վերա-  
բերյալ այնպիսի դարձվածքներ, որոնք բնորոշ են պատմության մոդեռնիզա-  
տորների համար՝ «Հին Հոռմի բուրժուազիա», «Կարլիի բուրժուազիա», «Հոռ-  
մեական զիշատիչ իմպերիալիզմ»<sup>23</sup>, «Տիգրանի ժամանակ Հայաստանը զրո-  
նշվում էր ծաղկում իմպերիալիզմի շրջանում»<sup>24</sup> և այլն:

Պատմության մոդեռնիզացիայի բնորոշ օրինակ է Լեոյի «Կոմունիզմը  
հայոց պատմության մեջ» հոդվածը<sup>25</sup>:

Չնայած վերոհիշյալին պրոֆ. Լեոն մեծ դեր է խաղացել հայ պատմական  
մտքի վարդապետան մեջ: Սովետահայ պատմագրությունը չի հրաժարվում բազ-  
մավաստակ պատմարանի հարուստ ժառանգությունից, ալլ քննադատարար  
օգտագործում է այն:

Հայ պատմագրությունը անցյալում շատ է դրադվել ազատագրական  
շարժումների, հատկապես հինգերորդ դարում պարսկական լծի դեմ մղված  
ազատագրական պատերազմների պատմությամբ: Հայտնի է, որ կղերա-ֆեո-  
դալական պատմարանները, կատարելով հայ լուսավորչական եկեղեցու և  
իշխող դասակարգի սոցիալ-քաղաքական պատվերը, պարսկական զնապոտիզ-  
մի դեմ հինգերորդ դարում հայ ժողովրդի մղած ազատագրական պատերազմ-  
ները որակել են որպես պուտ կրոնական պատերազմներ: Հայ ազատագրական  
շարժումների պատմությունը եղել է հայ բուրժուական պատմագրության ուշա-  
դրության արժանացած թեմաներից մեկը, սակայն նաև չբացահայտեց և  
չէր էլ կարող բացահայտել այդ շարժումների սոցիալ-քաղաքական էությունը,  
միշտ որոշել նրանց տեղը և դերը հայ ժողովրդի ազատագրական պայքարի  
մեջ: Անտեսելով ժողովրդական մասսաների ակտիվ մասնակցությունը իրենց  
ազատագրման համար մղված պայքարին, բուրժուական պատմարանները  
այդ պատերազմները որակել են որպես նախարարական պատերազմներ:

Այդ նույն տեսակետը ավելի կամ պակաս չափով կրկնվել է նաև սովետա-  
հայ պատմագրության մեջ, հատկապես, ինչպես մենք տեսանք, Լեոյի աշխա-  
տություններում: Պետք է ասել, որ 1920-ական թվականներին ամբողջական  
ոչ մի աշխատություն չի հրապարակվել, որ նվիրված լիներ օտար լծի դեմ հայ  
ժողովրդի մղած պայքարի պատմությանը: Այդ թեմայով աշխատություններ  
Երևան են գալիս միայն 1940—1950-ական թվականներին և նրանից հետո:

18-րդ դարի սկզբից հայ ազատագրական շարժումները կապվում են Ռու-  
սաստանի հետ, այդ ժամանակ էլ վերջնականապես ձևավորվում է հայերի ուս-  
սական օրիննադասը: Նախասովետական պատմագրության մեջ այդ թեման ևս  
ուշադրության է արժանացել, սակայն այդ հարցում ևս գոյություն են ունեցել  
տարբեր կոնցեպցիաներ: Տուրք տալով ուսման մեծապետական պատմագրության  
իշխող կոնցեպցիային, հայ պատմարաններից շատերը աշխատել են գունա-  
զարդել հայ-ուսական հարաբերությունների պատմությունը, ցարիզմի նվա-  
ճողական քաղաքականությունը ներկայացնել որպես ազատարար քաղաքա-  
կանություն: Դրան հակառակ, որոշ պատմարաններ հայերի ուսական օրինն-  
ադասի անվերապահորեն բացարձակ չարիք են համարել:

23 Լ. Լ. Ռ., Խոջայական կապիտալը, էջ 323, 161

24 «ԵՇԶ», հատ. 3, էջ 366:

25 «Նորք», 1922, գիրք առաջին, էջ 133, 134 և ուրիշ տեղերում:

Սովետահայ պատմաբաններից այդ կարևոր պրոբլեմին առաջին անգամ ձևոնամուխ է եղել լրագրավասուով պատմաբան Աշոտ Հովհաննիսյանը, որը մեծ դեր է խաղացել ու խաղում է սովետահայ պատմագրության զարգացման մեջ: Զինված մարքսիստական-լենինյան մեթոդողիայով, նա պետական ու պարտիական ղեկավար աշխատանքի հետ միասին լուրջ ուսումնասիրության է ենթարկել հայ ժողովրդի նոր և նորագույն պատմության լրագրավիճակ հանգուցային հարցեր:

Աշոտ Հովհաննիսյանը հայերի ուսական օրինադրության, հայ ազատագրության զաղափարախոսության հարցը քննել է դեռևս 1914 թ. Մյունխենում Իսրայել Օրու մասին հրատարակած դիսերտացիոն աշխատության մեջ<sup>26</sup>, ապա սովետահայ պատմագրության առաջնելի՝ «Հայ-ռուս օրինադրայի ծագման խնդիրը» գրքում<sup>27</sup>:

Այս գրքում հեղինակը հանգամանորեն քննում է Կ. եգյանի «Сношениа Петра Великого с армянским народом» գրքում ղեկավարած մի շարք փաստաթղթերի վավերականության հարցը և հանգում այն եզրակացության, որ դրանցից մի քանիսը որոշակի նպատակներով կեղծված են հայ ազատագրական շարժման գործիչների կողմից:

Ա. Հովհաննիսյանը փաստական նյութի հիման վրա մերժում է նաև վրաց գիտնական Ա. Ցազարելիի այն անհիմն ենթադրությունը, թե իբր Իսրայել Օրին կատարում էր շվեդական Կարլ 12-րդ թագավորի առաջադրանքը, այն է՝ Ռուսաստանին դուրս բերել Իրանի ղեմ, դրանով իսկ Պյոտրի ուղադրությունը Բալթիկ ծովից դարձնել Կասպից ծովի վրա:

Աշխատության մեջ մարքսիստ պատմաբանը ցույց է տվել, որ ցարիզմի նկատմամբ տարբեր դասակարգեր սկզբունքային տարբեր դիրք են ունեցել, որ Հոկտեմբերյան ռեյուցիայից հետո ուսական օրինադրության բոլորովին նոր բովանդակություն ստացավ: Հեղինակը հատկապես ընդգծել է Հոկտեմբերյան ռեյուցիայի բախտորոշ դերը ժողովրդական մասսաների, այդ թվում հայ ժողովրդի պատմական կյանքում: «Մեր օրերի ուս օրինադրության ընթացում է մասսաների ազատագրման տիեզերական խոյանքի հունով: Այդ օրինադրության մեջ է դարձնվում այսօր նաև շվեդայախառն հայ լրագրության հեղափոխական տարրերի օղակը»<sup>28</sup>:

Աշխատությանը կցված են 16 արժեքավոր փաստաթղթեր, որոնք հեղինակը ձևա է բերել 1915—1916 թթ. Մոսկվայի Արտաքին գործոց նախարարության պրեսավոր արխիվում:

Ունենալով խորաթափանց միտք, հետազոտական տաղանդ, Ա. Հովհաննիսյանը հետադաշում դրած իր մի շարք նոր, արժեքավոր աշխատություններում ավելի խորը հետազոտեց առաջադրված պրոբլեմը, շտկելով իր նախնա-

<sup>26</sup> Aschot Johannisian, Israel Ori und die Armenische Befreiungsidee, Munchen, 1914.

<sup>27</sup> Ա. Հովհաննիսյան, Հայ-ռուս օրինադրայի ծագման խնդիրը: Պատմա-քննադատական ուսումնասիրություն, Էջմիածին, 1921:

<sup>28</sup> Նույն տեղում, էջ 68:

կան գործերում տեղ գտած առանձին անհաջող ձեռնարկումները<sup>29</sup> Պետր է նկատի ունենալ այն հանգամանքը, որ Ա. Հովհաննիսյանի աշխատությունը գրվել է այն պահին, երբ մարքսիստական պատմագրությունն իր ուժեղ կրակն առաջին հերթին ուղղել էր ռուսական ցարիզմի արտաքին քաղաքականության մերկացման կողմը, երբ սովետահայ պատմագրության մեջ տակավին չէր բացահայտվել Ռուսաստանի հետ Արևելյան Հայաստանի միացման՝ պրոգրեսիվ նշանակությունը, մի բան, որ կատարվեց միայն տասնամյակներ հետո:

18-րդ դարի երկրորդ կեսի հայ ազատագրական շարժման գաղափարախոսության մի բանի կարևոր հարցեր լուսարանել է Թ. Ավդալբեկյանը իր «Հայ ազատագրական շարժման երկու հոսանք 18-րդ դարի վերջում» և «Շահամիր Եսափաթյանը ու հեղինակայոց ինքնավարությունը 18-րդ դարում» աշխատություններում<sup>30</sup>:

Պատմա-բանասիրական քննության ենթարկելով «Կերպ գաշնադրության» ի մեջ երկուց ազգաց, հայոց և ռուսաց՝ ընդհանուր վերնագիրը կրող հայ-ռուս գաշնադրության երկու վավերագրերը, հեղինակը նախ՝ հայ պատմագրության մեջ առաջին անգամ հերքում է այն սխալ կարծիքը, թե երկրորդ վավերագիրը գրված է ոչ թե հայերի, այլ ռուսների կողմից և ապա ցույց տալիս, որ 18-րդ դարի հայ ազատագրական շարժման մեջ երկու հոսանք, երկու գաղափարախոսություն է եղել:

Եթե առաջին վավերագիրը, գրում է Թ. Ավդալբեկյանը, արտահայտում էր հայ կալվածատիրական դասակարգի՝ հայ մեյիքների, բարձր հոգևորականության և վաճառականության շահերը, այսինքն սոցիալական այն խավերի, որոնց գաղափարախոսներն էին Հովսեփ արքեպիսկոպոս Արղուիսյանը և իշխան Հովհաննես Լազարյանը, ապա երկրորդ վավերագիրը ծնունդ է ոչ թե միապետական Ռուսաստանի քաղաքական և դիվանագիտական գործիչների մոտի, այլ 18-րդ դարի վերջին տասնամյակների հայ հասարակության ձախակողմի՝ հուշակավոր Մադրասի խմբի, որի անդամներից էին ղեմավարական գաղափարներով տոգորված Մ. Բաղրամյանը, Շ. Եսափաթյանը և ուրիշներ: Ավդալբեկյանի վերոհիշյալ ուսումնասիրությունները մեծ արժեք ունեն հայ հասարակական մտքի պատմության գիտական ուսումնասիրության համար: Այս տեսակետից ուշադրության արժանի է նաև հեղինակի «Ֆրանսիական մեծ հեղափոխությունը ու ժամանակակից հայեր» աշխատությունը<sup>31</sup>:

Միջազգային հարաբերությունների ֆոնի վրա հայ ժողովրդի բազմադարյան պատմության լուսարանման փորձ է արել Բ. Բորյանը իր երկհատորանոց աշխատության Վեջ<sup>32</sup>: Աշխատության առաջին մասում հիմնականում շարա-

29 Հայ-ռուսական դարավոր հարաբերությունների և հայերի՝ ռուսական օրինկտացիայի սկզբնավորման հարցը փայլուն կերպով շարադրված է նրա «Հայերի ռուսական կողմնորոշման եւթադասությունից» աշխատության մեջ: Տե՛ս «Պատմա-բանասիրական հանդես» N 1, 1958:

Այս տեսակետից սովետական պատմագրության մեջ խոշոր ուժանդ է մեծանուն գիտնականի «Երվանդի հայ ազատագրական մտքի պատմության» երկհատորանոց աշխատությունը, որը հրատարակվել է 1957—59 թվականներին:

30 «Նորք», գիրք առաջին, 1922, ՀԱԽՀ Կրթության և արվեստի ինստիտուտի «Տեղեկագիր», № 4, 1929:

31 «Նորք», գիրք 4, 1924:

32 Б. Борьян, Армения, международная дипломатия и СССР, ч. 1, II, М.—Л., 1928, 1929.

դրվել է հայ ժողովրդի պատմությունը հնագույն ժամանակաշրջանից մինչև Հոկտեմբերյան ուսույցիան, իսկ Լեկոսորդ մասում՝ հետհոկտեմբերյան ժամանակաշրջանի պատմությունը։ Աշխատության առանձին գլուխներ նվիրված են Հայաստանում ֆեոդալիզմի և ստրկատիրության հարցի քննությանը, հայ տպագրական շարժումներին, հայ-ուսական հարաբերություններին, լայն կերպով շարադրվել է հայկական հարցի պատմությունը՝ իր սկզբնավորման օրից մինչև 1920-ական թվականները։ Փաստական հարուստ նյութերի հիման վրա հեղինակը հաջող կերպով մերկացնում է արևմտյան տերությունների խարդախ դիվանագիտական խաղերը և թուրքական զավթիչների ագրեսիվ, նվաճողական քաղաքականությունը։ Հայաստանի նկատմամբ, ցույց է տվել, թե արևմտյան տերությունները ինչպես են շարաշահել հայերի ազգային-ազատագրական պայքարը իրենց իմպերիալիստական-նվաճողական նպատակների համար։ Հեղինակը մերկացրել է դաշնակցականների կոռավարության հակա-ժողովրդական, հայրենազավ քաղաքականությունը, դաշնակ-դիվանագետներին բնութագրել որպես մեծ տերությունների հյուսկամակատարների։ Աշխատության մեջ վեր է հանված Հոկտեմբերյան ուսույցիայի փրկարար դերը հայ ժողովրդի պատմական կյանքում։ Հեղինակը ըստ ամենայնի վեր է հանել Սովետական Ռուսաստանի ռազմա-քաղաքական, դիվանագիտական, տնտեսական և կուլտուրական հսկայական օգնությունը հայ ժողովրդին, ցույց է տվել Անդրկովկասյան ֆեդերացիայի և ՍՍԽՄ-ի ստեղծման պատմական նշանակությունը սովետական բոլոր ժողովուրդների, այդ թվում հայ ժողովրդի համար։

Սակայն Բորյանի աշխատության մեջ կան լուրջ, սկզբունքային սխալներ, բացմաթիվ շիւ ու շփոթ մտքեր։ Պատահական չէ, որ այդ աշխատությունը ժամանակին խիստ քննադատվեց<sup>33</sup>։

Հեղինակը Հայաստանի աշխարհագրական պայմաններով է բացատրում սոցիալ-տնտեսական և քաղաքական այն մեծ փոփոխությունները, որոնք տեղի են ունեցել Հայաստանի պատմության մեջ։ Բորյանի պատմական մեթոդոլոգիայի մեջ բնորոշ է նաև մոդեռնիզացիան։ Այսպես, օրինակ, նրա կարծիքով հին աշխարհում կար «կապիտալիստների տիրապետություն», «հայկական բուրժուազիա», որ գոյություն է ունեցել «վրացական իմպերիալիզմ» և այլն։

Բ. Բորյանը սխալ է գնահատում հայ ազատագրական շարժումները։ Չի կարելի համաձայնվել նրա այն մտքի հետ, թե դաշնակցության դադափարախոսության ակունքները սկսվում են 17—18-րդ դարերի հայ տպագրական շարժումներից<sup>34</sup>։ Հեղինակի կարծիքով դաշնակցական դադափարախոսության նախահայրերը եղել են ոչ միայն Ս. Նազարյանը, Գր. Արծրունին, այլև Խորայկ Թրին, Շ. Շահամիրյանը և ուրիշներ։

<sup>33</sup> Տե՛ս Ակոպովի գրախոսությունը՝ «Խ. Հ.» № 89—90, 1929; Նույնի, Մարքսիզմի տառը մարքսիզմի ոգու դեմ, «Նոր ուղի», № 7—8, 1929; Թ. Մ ա ն ո Վ ա յ ա ն, Ազգայնական իդեոլոգիայի մի նոր արտահայտություն, «Անիկյան ուղի», № 11, 1929; Գր. Չ ու Ր ա յ ա ն, Հեղափոխական կոմիտեի բռնադրաման քաղաքականությունը և փետրվարյան ստամբուլյան պատճառների խնդիրը, «Նոր ուղի», № 7—8, 1929; Հ. Զորյանի գրախոսությունը՝ նույն տեղում, № 5; Տե՛ս նաև Բ. Բորյանի պատասխանը՝ «Նոր ուղի», № 7—8, 1929։

<sup>34</sup> Б. Борьян, Армения, международная дипломатия и СССР, ч. II, стр. 393.

Բորյանի աշխատության մեջ լուրջ սկզբունքային սխալներ կան նաև 1920 թ. Մայիսյան ապստամբության և 1921 թ. քաղաքացիական կոիվների պատմության շարադրանքի մեջ: Հեղինակը միակողմանի, բացասական դույներով է նկարագրում Հայաստանի կոմունիստական կազմակերպությունների ղեկավար օրդանի՝ Արմենկոմի գործունեությունը: Փոխանակ բացահայտելու հատկապես Մայիսյան ապստամբության ղեկավարման գործում Արմենկոմի սխալներն ու թերությունները, հեղինակը անհիմն մեղադրանքներ է բարդում նրա վրա<sup>35</sup>:

Բորյանը բացասական գնահատական է տալիս նաև Ալեքսանդրապոլում կազմված Հայաստանի Ռեկոմի գործունեությանը:

Բորյանը ճիշտ գիրքերից չի մոտենում նաև 1921 թ. քաղաքացիական կոիվների ղրդապատճառների հարցին: Նա դաշնակիների փետրվարյան ավանտյուրան չի դիտում որպես իմպերիալիզմի ծրագրած միաձուլական հակասովետական պայքարի մի օղակ. անտեսում է կուլակների, խմբապետների, մաուզերիստների, հողերափախության հակառակույություն գործունեությունը, նրանց կատաղի պայքարը սովետական իշխանության դեմ, վրացական մենշևիկների, թուրքական զավթիչների խաղաղած ղերը այդ ավանտյուրայի կազմակերպման գործում<sup>36</sup>:

Բորյանը անհիմն քննադատության է ենթարկում Հայրենկոմի 1920 թ. նոյեմբերի 29-ի ղեկավարացիան: Նա միակողմանի է գնահատում նաև 1921 թ. Մոսկվայի և Կարսի պայմանագրերի նշանակությունը:

Լուրջ սխալներ է կատարում Բորյանը Ակոսյովի քննադատության առթիվ գրած իր պատասխան-հոդվածում: Նա չի բմրոնում լենինյան այն դրույթը, որ իմպերիալիզմի էպոխայում ոչ բոլոր ազգային շարժումներն են պրոգրեսիվ, որ բոլշևիկները չէին պաշտպանում ազգային այն շարժումները, որոնք հրահրվում էին միջազգային իմպերիալիզմի, ուսումնական ցարիզմի, կոլկասահայ բուրժուազիայի ու նրա մարտական պարտիայի՝ դաշնակցության կողմից: Այդ շարժումները շեղում էին Ռուսաստանի հայերի ուղադրությունը դասակարգային պայքարից, ցարիզմի դեմ Ռուսաստանի բոլոր ժողովուրդների մզած համընդհանուր պայքարից, թուրացնում ուղղություն ուժերի միասնական ձևավորումը:

1920-ական թվականներին հրատարակվեցին հնագույն սոցիալ-դեմոկրատ (մենշևիկ) Դ. Ղարաջյանի (Սա. Արևիմեդ) մի շարք աշխատությունները: 1923 թ. հրատարակվեց նրա «Материалы по истории отпадения Закавказья от России» աշխատությունը, որի մեջ հեղինակը փաստական նյութերի հիման վրա ցույց է տվել, թե ինչպես Անդրկովկասի հակառակույություն ուժերը վրացական մենշևիկների ղլխավորությամբ գործարքի մեջ մտան գերմանա-թուրքական զավթիչների հետ, և Հոկտեմբերյան ուղղությունից հսկող ալիքների դեմ պատենշ կանգնեցնելու նպատակով 1918 թ. ապրիլին Անդրկովկասը անջատեցին Սովետական Ռուսաստանից: Հեղինակը, սակայն, անբավարար է լու-

<sup>35</sup> Там же, стр. 98, 101, 102.

<sup>36</sup> Там же, стр. 135.

սարանել քննարկվող ժամանակաշրջանում դաշնակցական լիզերների բռնած հակառակությունը դիրքը:

1927 թ. հրատարակվում է Գ. Ղարաջյանի «Հայ անդրանիկ հեղափոխական խմբակը Անդրկովկասում» գրքույկը, որը նվիրված է 1880-ական թվականներին Ռիֆլիսում կազմակերպված հայ ազգային-դեմոկրատական խմբակի գործունեությանը: Ուշագրություն արժանի են դրքի առաջարկում հեղինակի կողմից առաջ քաշված մտքերը պատմությունը ճշմարտացիորեն շարադրելու մասին: «Պատմությունը պետք է գրել պատմական ստույգ փաստերի, և ոչ թե միայն հիշողությունների հիման վրա»—իրավացիորեն գրում է հեղինակը: Մակայն Գ. Ղարաջյանի գրքում կան էական թերություններ, ոչ ճիշտ տեսակետներ: Միանգամայն ճիշտ նշելով, որ անցյալում հայ պատմագրությունը բնավ չի հետաքրքրել վեր հանելու հայ ժողովրդական մասսաների ուսուցիչին կյանքը, լուսարանելու նրանց ընդհատակյա ուսուցիչին գործունեությունը և ցույց տալու նրանց տեղը մեր հասարակական-քաղաքական մտքի պարզացման պատմության մեջ, հեղինակը, սակայն, ծայրահեղության մեջ ընկնելով, ժխտում է հայ անցյալ պատմագրության կատարած աշխատանքը, բոլոր պատմաբաններին համարում է տիրացուներ: «Մեր կյանքը,— գրում է հեղինակը,— չի տվել, դժբախտաբար, պատմական դիտության զենքերով զինված գրիչներ» (էջ 5):

Չի կարելի համաձայնվել հեղինակի այն նիհիլիստական տեսակետին, թե մեր ժողովուրդը չի տվել և չի տալիս մտքի տիրաններ, արտակարգ ընդունակություններով օժտված մեծ մարդիկ (էջ 44): Հեղինակը 1915 թ. հայկական կոտորածների համար մեղավոր է ճանաչում միայն դաշնակցությանը և չի բացահայտում թուրքական դահիճների և իմպերիալիստական տերությունների քաղաքականությունը:

Գ. Ղարաջյանի գրչին է պատկանում նաև 1910 թ. ժնկում Դ. Պլեխանովի առաջաբանով ուսերէն հրատարակված, 1923 թ. վերահրատարակված ու 1929 թ. հայերեն հրատարակված «Բանվորական շարժումը և սոցիալ-դեմոկրատիան Կովկասում» աշխատությունը, որի մեջ շարադրված է Անդրկովկասում ծավալված բանվորական շարժումների և սոցիալ-դեմոկրատիայի պատմությունը իր սկզբնավորման շրջանից մինչև 1904 թ.:

Սովետահայ պատմագրության առաջին տասնամյակի նվաճումներից մեկը Հայաստանի ուսուցիչին շարժումների պատմության ուսումնասիրման գծով կատարված աշխատանքն է: Այդ տեսակետից մեծ հետաքրքրություն է ներկայացնում Եր. Մելիք-Յուլյանի «Չորս տարի Հայաստանի բանվորական շարժման պատմության»<sup>37</sup> վերադրված աշխատությունը, որը սովետահայ պատմական գրականության մեջ առաջին փորձն է՝ նշված ժամանակաշրջանի բանվորական շարժման պատմության լուսարանման բնագավառում: Աշխատությունը գրված է հարուստ գրականությամբ, ուսուցիչին կոչերի, պարբերական մամուլի և արխիվային փաստաթղթերի ուսումնասիրության հիման վրա:

Աշխատության առաջարկում հեղինակը կանգ է առնում Հայաստանի ուսուցիչին շարժումների պատմության ուսումնասիրության անհրաժեշտու-

<sup>37</sup> Ե. Մելիք-Յուլյան, Չորս տարի Հայաստանի բանվորական շարժման պատմության, 1903--1907, Երևան, 1924:

թյան հարցի վրա: «Մինչև այժմ էլ, — գրում է հեղինակը, — քաղաքական տարբեր տիպի համրակներ կամա, ակամա ձգտում են տարակուսանքի ենթարկել, կասկածի սուկ առնել Հայաստանի բանվորության դասակարգային պայքարի շեշտն ու ընթացքը: Մինչդեռ այդ նշանակում է անդիտանալ պատմությունը, խարդախել իսկությունը և չափամորեն վարագործել Հայաստանի տնտեսական զարգացման և հասարակական կյանքի շերտավորման շնորհիվ ծառացող հակադիր շահերի անխուսափելի բխումը»<sup>38</sup>: Այդ պատճառով էլ «այսօրվա հրամայողական պահանջն է, — շարունակում է հեղինակը, — վերհիշել Հայաստանի բանվորա-գյուղացիական հեղափոխության նախասովետական ուղին, լուսարանել նրան նպաստող ու խոչընդոտ քաղաքական խավերի դերն ու նպատակները, արձանագրել նրա հաղթության կամ պարտության էջերը, — որքան հնարավոր է կոնկրետ, կենդանի օրինակներով, — նամանավանդ, որ աշխատավորության աճող սերնդի առաջապահ ներկայացուցիչները պարտավոր են իմանալու, ճանաչելու երեկվա օրը, վերագնահատելու անցյալի քաղաքական փորձը, վերապրելու ժամանակի քաղաքական պայքարը»<sup>39</sup>:

Ելնելով մարքսիստական պատմագրության պահանջներից, հեղինակը, նախքան բանվորական շարժումների կոնկրետ պատմությանն անցնելը աշխատության առաջին երեք գլուխներում հանգամանորեն ցույց է տվել երկրի սոցիալ-տնտեսական կյանքի պատկերը: Այնուհետև նա պարզում է հայադրբեջանական ընդհարումների քաղաքական բնույթը, հանգամանորեն քննում դաշնակցություն ու հնչակյան պարտիաների հակառուլուցիոն գործունեությունը կովկասահայ իրականության մեջ: Մեծ հետաքրքրություն են ներկայացնում աշխատության այն գլուխները, որտեղ հանգամանորեն լուսարանվում է Հայաստանում սոցիալ-դեմոկրատիայի սկզբնավորման և բանվորական շարժումների ծավալման պատմությունը:

Սակայն Ե. Մելիք-Յուլյանի աշխատության մեջ կան վիճելի, չհիմնավորված տեսակետներ, անհաջող ձևակերպումներ: Աշխատության առաջին գլուխները ծանրաբեռնված են բազմաթիվ թվական տվյալներով, վիճակագրական աղյուսակներով, որոնք աշխատության այդ մասին տալիս են ավելի շուտ տնտեսագիտական, քան պատմագիտական բնույթ: Սխալ է հեղինակի մոտեցումը, երբ Հայաստանի բանվորական շարժման պատմությունը դիտել է որպես մի ինքնամփոփ երևույթ, այն չի շաղկապել Անդրկովկասի մյուս վայրերում ծավալված ռևոլյուցիոն շարժումների հետ:

Երիտասարդ կոմունիստ կեղծանվան տակ և. Մելիք-Յուլյանի գրչին է պատկանում նաև «Հայ բանվոր հեղափոխականների ասոցիացիայի» տեղի հայ բանվորական շարժման պատմության մեջ» ընդարձակ\* գրախոսական հոդվածը<sup>40</sup>, որի մեջ հեղինակը խստորեն քննադատում է Ա. Խումարյանի «Հայ բանվոր հեղափոխական ասոցիացիա» հոդվածաշարը<sup>41</sup>: Հեղինակը գտնում է, որ Ա. Խումարյանը, որ Ասոցիացիայի ղեկավարներից մեկն է եղել, ճիշտ չի բնութագրել նրա իսկական ուղղությունը: Նրա կարծիքով այդ կազմակերպությունը մարքսիստական, ռևոլյուցիոն չի եղել, հետևաբար նրա օրգան

38. Մ. Մ. Մելիք-Յուլյան, Զորք տարի Հայաստանի բանվորական շարժման պատմության, էջ 3:

39. Նույն աղբյուր:

40. «Նորք», № 4, 1924:

41. «Մարտական», Թիֆլիս, 1924, № 5—16:

«Աղառ շայաստան» և ապա «Կոիվ» թերթերի հրատարակությունը չպետք է համարել հայ լրատվության մամուլի սկիզբը:

«Հայ լրատվոր հեղափոխականների ասոցիացիայի» մասին նույն կարծիքն է հայտնել նաև Գ. Ղարաջյանը, որը խստորեն քննադատել է պատմաբան Վ. Նևսկու 1924 թ. լենինդրագում հրատարակված «Очерки истории РКП(б)» գրքի այն հատվածը, որը վերաբերում է Լենդրկովկասի սոցիալ-դեմոկրատիայի սկզբնավորման շրջանին<sup>42</sup>:

Պետք է ասել, որ ոչ միայն 1920-ական թվականներին, այլև մինչև այժմ «Հայ լրատվոր հեղափոխականների ասոցիացիայի» վերջնական ճիշտ գնահատականը չի տրված<sup>43</sup>: Մեր կարծիքով ասոցիացիայի գնահատման հարցում առկա է որոշակի ծայրահեղություն: Ճիշտ է, ասոցիացիայի անգամների հայացքներում մոլորություններ կան, սակայն չի կարելի ժխտել, որ այն իր ուրույն տեղն ունի հայ լրատվության շարժման պատմության մեջ: Չի կարելի անցյալում դործած կազմակերպությունների և դործիչների գնահատականը տալ կտրելով նրանց ժամանակի կոնկրետ պայմաններից, յուրաքանչյուր ղեպքում պետք է ունենալ պատմական մոտեցում:

1905 թ. ունույնցիոն շարժումների պատմությանն է նվիրված հին լույշև-վիկ, ականավոր հրապարակախոս, գրականագետ Ա. Կարինյանի «Հեղափոխական և ազգային շարժումներն Անդրկովկասում 1905-ին» աշխատությունը, որը հրատարակվել է 1927 թ. Մոսկվայում: Հեղինակն իր աշխատության մեջ տալով Լենդրկովկասի տնտեսական կյանքի ընդհանուր պատկերը, հատկապես կանգ է առել Վրաստանի գյուղացիական շարժումների և Բաքվի լրատվական դործագույնի վրա: Հեղինակը Լենդրկովկասի ունույնցիոն շարժումները դիտում է համառուսաստանյան ունույնցիայի հետ սերտ առնչության մեջ, ցույց է տալիս այդ շարժումների վրա ուսական ունույնցիայի ունեցած վիթխարի ազդեցությունը: Աշխատության մեջ լայնորեն լուսարանված է 1905—1906 թթ. հայ-ադրբեջանական ընդհարումների սոցիալ-քաղաքական էությունը, ցույց է տրված ինչպես այդ ընդհարումների, այնպես էլ կովկասյան մենշևիկների ու շենդրիկովյանների լաքասական դերը Լենդրկովկասի ունույնցիոն շարժումների մեջ: Հեղինակը մարքսիստական դիրքերից քննադատում է սպեցիֆիզմի պարադուիսներին, որոնք իր ժամանակին առաջ էին քաշել Կովկասում հալ բուրժուադիայի «ունույնցիոն» լինելու սխալ տեսակետը: Սակայն Ա. Կարինյանի աշխատության մեջ ոչ մի խոսք չի ասվում Հայաստանի ունույնցիոն շարժումների մասին:

1920-ական թվականների հենց սկզբից մեծ ուղադրություն է դարձվել Հայաստանի ունույնցիոն շարժումների հերոսական դրվագներից մեկի՝ Մայիսյան փառապանծ ապստամբության պատմության լուսարանման գործին:

Մայիսյան ապստամբության պատմությունը շարադրելու առաջին լուրջ փորձը կատարել է Սշոտ Հովհաննիսյանը: 1923 թ. հրատարակվում է նրա «Հայաստանի հեղափոխության հուլիսն ու հոկտեմբերը» աշխատությունը, որի մեջ համառուտակիորեն շարադրվում է Մայիսյան ապստամբության ընթացքը և տրվում այդ ապստամբության պարտության պատճառների պատմա-քննա-

<sup>42</sup> «Նորք», N 5—6, 1925:

<sup>43</sup> Տես Ա. Մ ն ա ց ա կ ա ն յ ա ն, Առաջին հայ լրատվական ունույնցիոն կազմակերպությունը, «Պարտիական կյանք», N 10, 1956: Վ. Ա վ ե տ ի ս յ ա ն, «Հայ լրատվոր հեղափոխականների ասոցիացիայի» մասին, «Լենինյան ուղիով», N 4, 1957:

կան վերլուծություններ: Պատմական իրողություններին մոտենալով մարքս-լենինյան մեթոդով հեղինակը չի բավարարվել միայն ապստամբության պարտության պատճառների սոսկ թվարկումով, ապստամբության դեկավարության գործում թույլ տրված սխալների մատնանշումով, այլև վեր է հանել այդ ապստամբության նշանակությունը Հայաստանի ուղյուցիտն շարժումների պատմության մեջ, ցույց տվել նրա դերը Հայաստանի աշխատավորության վերջնական հաղթանակի գործում:

Չնայած որոշ անհաջող, ըստ էության ոչ ճիշտ ձևակերպումներին, ինչպես, օրինակ, դաշնակցությանը քաղաքական տարտիս համարելը, նշված աշխատությունը սովետահայ պատմագրության աչքի ընկնող գործերից մեկն է, որը մինչև այսօր էլ չի կորցրել իր գիտական արժեքը: Իսկ, հեղինակը ևս չի բացառել աշխատության մեջ առանձին սխալների առկայության հնարավորությունը: «Լեմեն մի լուսաբանություն արժեքավոր է տակավին որպես նախափորձ,—գրում է նա գրքի առաջաբանում,—սայթաքումներն անխուսափելի են, բայց և անհրաժեշտ: Քանի որ այդ դեպքում է միայն հնարավոր մշակել կայուն տեսակետ մոտիկ անցյալի դալիք ուսումնասիրությունների համար»:

1926 թ. հրատարակվում է Մայիսյան ապստամբությանը նվիրված երկրորդ աշխատությունը, որը պատկանում է ապստամբության ղեկավար գործիչներից մեկի՝ Շ. Ամիրխանյանի զրչին<sup>43</sup>: Չլինելով պրոֆեսիոնալ պատմաբան, հեղինակը սակայն, իր աշխատության առաջին գլխում հաջող կերպով լուսաբանել է Անդրկովկասի և Հայաստանի սոցիալ-տնտեսական և քաղաքական վիճակը Հոկտեմբերյան ուղյուցիտից հետո: Հանգամանորեն շարադրելով Մայիսյան ապստամբության ընթացքը, հեղինակը աշխատել է ցույց տալ նաև ապստամբության պարտության պատճառները: Գրքում բազմաշաղկապված են Արմենկոմի և Ռեկոմի թույլ տված սխալները Մայիսյան ապստամբության ղեկավարման գործում: Աշխատության մեջ առանձին գլուխ է հատկացված ապստամբության մասին հրատարակված միակ դրքի՝ Ա. Հովհաննիսյանի գրքի քննադատությանը, փորձելով ցույց տալ նրա սխալը Մայիսյան ապստամբության գնահատման հարցում: Հեղինակը խստորեն քննադատել է նաև Մ. Կասյանի տեսակետները, որոնք նա արտահայտել է «Նոր աշխարհ» ամսագրում հրատարակված հոդվածներում<sup>44</sup>:

Միանգամայն ճիշտ առաջ քաշելով Մայիսյան ապստամբության պարտության մի քանի սուբյեկտիվ պատճառներ, հեղինակը, սակայն, անտեսում է մի շարք օբյեկտիվ պատճառների առկայությունը: Օրինակ՝ լեհական հարձակման և Ադրբեջանում հրահրված հակաուղյուցիտն խռովության ջախջախման կապակցությամբ Կարմիր Բանակից անհրաժեշտ օգնություն չստանալը:

<sup>43</sup> Շ. Ամիրխանյան, Մայիսյան ապստամբությունը Հայաստանում (1920) և Գնահատության փորձ, Մոսկվա, 1926:

<sup>44</sup> Փորձելով բնութագրել Հայաստանի սոցիալ-տնտեսական կյանքի ծանր վիճակը, Մ. Կասյանը սխալվում է, գրելով. թե Հայաստանի գյուղացիությունը դերժ էր ստակարգային խոր հակասությունից: «Համարժեք կարող էր ասել,—գրում է նա,—որ Հայաստանի գյուղացիության մեծագույն մասը — 95 տոկոսը — կազմված է շունիմներից: Ուրեմն Հայաստանը ոչ միայն գուտ գյուղատնտեսական երկիր է, այլև մանր ու աղքատ գյուղացիական տնտեսությունների երկիր՝ գուրկ գասակարգային խոր անտապոսիզմից»: Տես Ս. Կասյան, Հայաստանի տնտեսական-դասակարգային ստրուկտուրան, «Նոր աշխարհ», Թիֆլիս, 1922, 1, էջ 18: Սխալներ կան նաև Ս. Կասյանի «Ջախջախության հիմնականությունը մեղանում» հոդվածում: Տես նույն տեղում, № 2, 1922:

արևմտյան տերությունների կողմից զաշնակներին ցույց տրված օղնությունը և այլն:

Քննադատելով Ա. Հովհաննիսյանին, Շ. Ամիրխանյանը իր հերթին թույլ է տալիս լուրջ սխալ: Նա ժխտում է բանվորների՝ որպես հասարակության առաջավոր մասի ղեկավար դերը և ընկնելով ծայրահեղության մեջ պնդում է, թե Հայաստանում ունեցուցիչի շարժիչ ուժը միայն գյուղացիությունն է: Ամիրխանյանը անհաջող, ըստ էության, սխալ է դնահատում զաշնակցության բնույթը: Նրա կարծիքով զաշնակցությունը ազդային ինտելիգենցիայի պարտիա է եղել: Ինչպես տեսնում ենք այստեղ ևս լացակայում է ճիշտ դասակարգային ընտրողումը:

Մայիսյան ապստամբության պատմությանը անդրադարձել է նաև Ա. Կարինյանը իր մի բանի աշխատություններում, իսկ ավելի հանգամանորեն՝ «Հայ ազգայնականների ուղին» գրքում,<sup>46</sup> ուր նա արդարացի կերպով քննադատում է այն սխալ կարծիքը, թե Հայաստանը լինելով հետամնաց գյուղատնտեսական, կիսանահապետական երկիր չէր կարող հող ունենալ ունեցուցիչ շարժման համար: Սակայն հեղինակը մի կողմից գրում է, որ Մայիսյան ապստամբությունը մի քանի «չար» և «միակողմանի» կոմունիստների քմահաճույքների արդյունքը չէր. այլ ժողովրդական մի շարժում, մյուս կողմից այն համարում է «տարրերային», «անակնկալ», «բնագդական մի ճիգ» և այլն: Ապստամբության ղեկավարության թույլ կողմերը վեր հանելու փոխարեն հեղինակը ժխտում է ընդհանրապես ղեկավարության գոյությունը:

1929 թ. հրատարակվեց մի ուրիշ հին լույսիկի՝ Թ. Մանգալյանի «Մայիսյան ապստամբությունը» գրքույկը, որի մեջ համառոտակիորեն շարադրված է ապստամբության ընթացքը և վերլուծված նրա պարտության պատճառները: Հեղինակը սուր քննադատության է ենթարկում Արմենկոմի սխալ գիրքը՝ Մայիսյան ապստամբությունը ղեկավարելու գործում: Հեղինակը միաժամանակ քննադատում է Ա. Հովհաննիսյանի և Շ. Ամիրխանյանի գրքերում տեղ գտած սխալները և կատարում փաստական որոշ ճշտումներ: Թ. Մանգալյանը քննադատում է նաև Ս. Կասյանին, որը անտեսում էր զաշնակների տիրապետության ժամանակ երկրի ներսում գոյություն ունեցող դասակարգային անտա-գոնիվոր և հետևաբար թերագնահատում զաշնակցության դեմ մղված պայքարի նշանակությունը:

1927 թվականից պարբերական մամուլում լայն բանավեճ է սկսվում Մայիսյան ապստամբության բնույթի և պարտության պատճառների հարցի լուսարանման առթիվ: Բանավեճը որոշ չափով շոշափում էր նաև զաշնակցության դասակարգային էության ընտրողման հարցը: Ուշագրավ է, որ Մայիսյան ապստամբության գնահատման առաջին փորձը կատարել է Ա. Մյասնիկյանը: 1921 թ. մայիսին Մայիսյան ապստամբության առաջին տարեդարձի առթիվ նրանում տեղի ունեցած հանդիսավոր նիստում արտասանած իր ճառում նա ասել է. «Խորհրդային իշխանության սկիզբը տնցյալ տարվա Մայիսյան ապստամբությունն է: Դեռ այն ժամանակ կարող էինք ասել, որ Խորհրդա-

46 Ա. Կ ար Ի ն յ ա ն, Հայ ազգայնականների ուղին, Մոսկվա, 1926, էջ 89—102:

47 Նույն տեղում, էջ 91:

յին իշխանության հաղթանակը ապահովված է, քանի կա աշխատավորություն, որի վրա հորհրդային իշխանությունը կարող էր հենվել ևրկու ոտքով...

Այսօր մենք ծունկ չոքենք Ալեքսանդրապոլի հերոսների առաջ, նրանք արին այն, ինչ որ պիտի անեին: Դասեր պիտի առնենք Ալեքսանդրապոլի ապստամբությունից: Ամենակարևոր դասը դա այն պիտակցությունն է, որ Հայաստանի աշխատավորության համար չկա փրկություն առանց հորհրդային իշխանության»<sup>48</sup>:

Այնուհետև այդ հարցը առաջ է քաշվել 1922 թվականին ՀԿ(Բ)Պ առաջին համագումարում Կենտկոմի հաշվետվության առթիվ Ս. Լուկաշինի տված գեկուցման քննարկման ժամանակ: Նշելով, որ Մայիսյան ապստամբությունը իրոք ժողովրդական-մասսայական ուղղուցիտ շարժում էր, համագումարը միաժամանակ բացահայտել է Արմենիայի տակտիկական լուրջ սխալները. որոնք ապստամբության պարտության հիմնական պատճառներից մեկը հանդիսացան:

Բանավեճը սկսվում է Դ. Վանանդեցու «Մայիսյան ապստամբության վնասատման փորձերի աղբիվ» հոդվածով, որը հրապարակվում է «Կոմունիստ» ամսագրի 1927 թ. 6-րդ համարում: Այդ հոդվածում մատնանշվում են Ա. Հովհաննիսյանի և Շ. Ամիրխանյանի աշխատությունների սխալներն ու թերությունները: «Կոմունիստ»-ի նույն տարվա հաջորդ համարներից մեկում՝ 9—10-րդ համարում հրապարակվում է Հ. Դուրգերյանի քննադատական հոդվածը Շ. Ամիրխանյանի գրքի մասին: Այդ հոդվածը լի է սխալ մտքերով: Հեղինակը գտնում է, որ Հայաստանում օրյակտիվ պայմաններ չկային ապստամբության համար: Հ. Դուրգերյանին պատասխան հոդվածով հանդես է գալիս Շ. Ամիրխանյանը<sup>49</sup>: Հ. Դուրգերյանին քննադատության է ենթարկում նաև Մայիսյան ապստամբության ակտիվ գործիչներից մեկը՝ Դր. Տեր-Սիմոնյանը<sup>50</sup>: Սկսված բանավեճին մասնակցում են նաև Մ. Գարադաշը<sup>51</sup>, Ա. Բերբերյանը<sup>52</sup> և ուրիշներ:

1929 թ. Ռ. Մանդալյանի աշխատության հրապարակումով բանավեճը նորից բորբոքվում է: Չհամաձայնվելով իր հասցեին Թ. Մանդալյանի արած քննադատության հետ, Շ. Ամիրխանյանը մամուլում հանդես է գալիս մի նոր հոդվածով<sup>53</sup>: Ի պատասխան դրան հրապարակվում է Թ. Մանդալյանի հոդվածը<sup>54</sup>, որի մեջ առաջ քաշված տեսակետներին մենք հիմնականում համաձայն ենք: Հարկ է նշել, որ ներկա հոդվածի սահմանները մեզ հնարավորություն չեն տալիս հանդամանորեն վերլուծել Մայիսյան ապստամբության գնահատման հարցի շուրջը 1920-ական թվականների բանավեճի ժամանակ գոյու-

<sup>48</sup> Տե՛ս «Կոմունիստ» (Երևան), N 82, 13 մայիսի 1921:

<sup>49</sup> Շ. Ա. մ. ի. թ. խ. ա. ն. յ. ա. ն., Մեղչանական դատադոթյուններ Մայիսյան ապստամբության մասին, «Կոմունիստ», N 2, 1928:

<sup>50</sup> Տե՛ս նույն տեղում, N 1, 1928:

<sup>51</sup> Մ. Գ. ա. ռ. ա. ղ., 1920 թ. Մայիսյան ապստամբության և դաշնակցության սոցիալական Լոթյան գնահատման մի փորձ, նույն տեղում:

<sup>52</sup> Ա. Բ. բ. բ. ռ. յ. ա. ն., Պատասխան ընկ. Դուրգերյանին, «Լենինյան ուղի», N 1—2, 1928:

<sup>53</sup> Շ. Ա. մ. ի. թ. խ. ա. ն. յ. ա. ն., Մայիսյան ապստամբության գաղափարական բացատրությունը, «Նոր ուղի», N 9—10, 1929:

<sup>54</sup> Թ. Մ. ա. ղ. ա. ղ. յ. ա. ն., Բուրժուական տակտիկա, թե՛ քաղաքականություն, նույն տեղում:

թյուն ունեցած տարրեր տեսակետները: Այդ մի առանձին ուսումնասիրության նյութ է, որին կանգրադառնանք հետագայում:

Թեպետև Հայաստանում սովետական կարգերի հաստատման պատմությանը նվիրված առանձին աշխատություններ հրատարակվեցին միայն 1930-ական թվականներից սկսած (Վ. Պարսամյան, Մ. Ներսիսյան և ուրիշներ), սակայն որոշ աշխատանք կատարվեց այդ ուղղությամբ նաև 1920-ական թվականներին: Առաջին քայլը կատարեց Աշոտ Հովհաննիսյանը: 1926 թ. հրատարակվեց նրա «Համագլխին կրիվիսը» գրքուկը, որի մեջ հեղինակը կանգ է առնում Հայաստանում սովետական կարգերի հաստատման պատմության մի քանի կարևոր հարցերի վրա:

Հակառակ դաշնակ գրչակների ստահող պնդումների, հեղինակը, հենվելով ուսույցություն ձեռնածամի մասին լենինյան հայտնի գրույթի վրա, փաստական նյութերով ցույց է տալիս, որ 1920 թ. նոյեմբերին ներքին և արտաքին մի շարք հանգամանքների շնորհիվ Հայաստանում ստեղծվել էր ուսույցություն իրադրություն, որ Հայաստանի բանվորների և դուրացիների ուսույցություն պայքարը հասել էր իր բարձրագույն կետին, որի անխուսափելի հետևանքը լանդիսացավ դաշնակների արյունոտ ուժի մի տապալումը: Աշխատության մեջ մերկացվում է դաշնակների հակաժողովրդական, հակաուսույցություն քաղաքականությունը, բացահայտվում է 1920 թ. դեկտեմբերի 2-ին Ալեքսանդրապոլում դաշնակների և բեմալականների միջև կնքված խայտառակ և ապօրինի պայմանագրի հակասովետական բնույթը:

1920-ական թվականներին մի շարք աշխատություններ են հրատարակվել, որոնց մեջ մերկացվել է դաշնակների հակաուսույցություն գործունեությունը: Այդ աշխատությունները, որոնք ունեն ինչպես գիտահետազոտական, այնպես էլ հրապարակախոսական բնույթ, ժամանակին մեծ դեր են խաղացել դաշնակցության և հայ բուրժուա-նացիոնալիստական մյուս պարտիաների ու հոսանքների դեմ մեր պարտիայի միացած զաղափարական պայքարում: Այդ աշխատություններում սուր քննադատության են ենթարկված ոչ միայն դաշնակների գործունեությունը, այլև դաշնակ-գրչակների «պատմական հետադուրությունները», որոնց հեղինակները ոչ մի քանք չեն խնայել կեղծելու պատմությունը, ծուռ հայելու մեջ ցույց տալու ունալ իրականությունը:

Այդ տեսակետից ուշադրության արժանի են Ալ. Մյասնիկյանի մի շարք աշխատությունները: «Դաշնակցության կառավարության դոկտրինաներից» (Երևան, 1922) ժողովածուի առաջարանում Ալ. Մյասնիկյանը փաստական նյութերի հիման վրա վեր է հանում դաշնակ գործիչների հակաժողովրդական քաղաքականությունը:

Հայաստանում սովետական կարգերի հաստատումից հետո արտասահմանում գտնվող դաշնակցության և հայ բուրժուա-նացիոնալիստական մյուս պարտիաների գործունեությունը հաջող կերպով մերկացված է Ալ. Մյասնիկյանի «Լուսակցությունները զաղուրախալության մեջ» գրքում (Թիֆլիս, 1924): Հեղինակը, թեև իր առջև խնդիր չի դրել պատմագիտական աշխատություն դրելու, սակայն այդ աշխատության մեջ տրված է հայ քաղաքական պարտիաների բնութագրությունը՝ իրենց պատմական դարդացման մեջ: Անդրադառնալով դաշնակցության անցյալ գործունեությունն ուսումնասիրելու անհրաժեշտության հարցին, Ալ. Մյասնիկյանը գրում է. «Առհասարակ պետք է, որ մենք յրջորեն և հանգամանորեն կանգ առնենք դաշնակցության վրա, նրա ծագման,

դարգացման էպոխաների վրա, չէ՞ որ դաշնակցությունը մի ամբողջ պատմություն է, շրջան է և նույնիսկ վերապրում է հայ կյանքում» (էջ 9)։ Վերոհիշյալ աշխատության մեջ հաջող կերպով մերկացվում է հայկական հարցի լուծման ուղղությամբ հայ բուրժուա-նացիոնալիստական պարտիաների դիրքը, ինչպես և՛ վերջիններիս կողմից կուռք դարձված հվրոպական դիվանագիտությունը։ Դաշնակցության անցյալ և ներկա գործունեությանը Մյասնիկյանն անդրադարձել է նաև իր բազմաթիվ հոդվածներում և այլ դրքերում։

1920-ական թվականներին դաշնակցության մասին մի շարք աշխատություններ է գրել Ա. Հովհաննիսյանը։ 1923 թ. հրատարակվում է նրա «Դաշնակցության իդեոլոգիայի բնագիտական կուրսը» հոդվածը («Նորք», դիրք երրորդ, 1923), որի մեջ հեղինակը մերկացնում է դաշնակցության իդեոլոգիայի գեղարվեստական կապերը Ա. Հովհաննիսյանը մերկացրել է «Դաշնակցությունը և պատերազմը» գրքում (Երևան, 1924)։ «Պատերազմից առաջ, թե պատերազմից հետո,— գրում է հեղինակը,— դաշնակցությունը կանգնած է եղել միշտ ռազմապաշտ բուրժուազիայի ազգային-քաղաքական տեսակետի վրա» (էջ 4)։

1927 թ. «Նորք»-ում (դիրք առաջին) հրապարակվում է Ա. Հովհաննիսյանի «Դաշնակցության սոցիալական ծագումը» աշխատությունը, որի մեջ հեղինակը փորձում է ցույց տալ դաշնակցության հանդես դալու սոցիալ-պատմական նախադրյալները, վեր հանել նրա հասարակական-քաղաքական էվոլյուցիան։ Առաջադրված նպատակին հասնելու համար հեղինակը հանգամանորեն վերլուծում է Անդրկովկասի սոցիալ-տնտեսական կյանքը 19-րդ դարի երկրորդ կեսում և տալիս ժամանակի հայ հասարակական-քաղաքական շարժումների բնութագրերը։ Ա. Հովհաննիսյանը, ինչպես իր նախորդ աշխատություններում, այստեղ ևս դաշնակցությունը համարում է մանրբուրժուական պարտիա, թեև պետք է ասել, որ նա այդ պարտիան չի դիտում քաղաքացիական, ընդունում է նրա էվոլյուցիան, նրա վերասերումը։ Հեղինակը դաշնակցությանը բնութագրում է որպես հայ բուրժուազիայի գործիքի, բուրժուական արևմուտքի և ռուսական ցարիզմի կամակատարի, որպես վերջիններիս քաղաքական շահերի ջերմ պաշտպանի։

Դաշնակցության սոցիալական ծագման մասին Ա. Հովհաննիսյանի հայտնած կարծիքը, որը մինչ այդ քննադատվել էր Ռ. Մանդալյանի և ուրիշների կողմից, նոր առարկությունների հանդիպեց Ռ. պատասխան դրա 1929 թ. Ա. Հովհաննիսյանը հրապարակեց «Դաշնակցության առթիվ» բրոշյուրը, որի մեջ նա կրկին անգամ պնդում է իր նախկին տեսակետը, այն մասին, որ դաշնակցությունը իր սկզբնավորման շրջանում մանր բուրժուական պարտիա է եղել, բայց 1905 թվականից սկսում է նրա վերասերման պրոցեսը։

Հարկ է նշել, որ պարտիական շատ փաստաթղթերում, հատկապես ՀԿԿ կենտկոմի 4-րդ և 5-րդ պլենումների և 6-րդ համագումարի որոշումներում (1929 թ.) պարզ ու հստակ տրված է դաշնակցության դասակարգային բնութագրերը։ Այնտեղ ասված է, որ դաշնակցությունը եղել է ու մնում է որպես հայ բուրժուազիայի ռազմատենչ պարտիա։

Տ. Տևա Գ. Վ ա ն ա ն դ ե ց ի, Դաշնակցության մանրբուրժուականության տեսության քաղաքական հետևանքները, «Խ. Հ.», № 94, 114, 1928։ Ե. Ք ա յ ա յ ա ն, Իդեոլոգիական պայքարի խնդիրները, «Լենինյան ուղի», № 1, 2-3, 1928։ Ե. Հ ա ն տ ի գրախոսությունը, «Նոր ուղի», № 6, 1929։

Ուշադրության արժանի են Ա. Կարինյանի պատմա-հրապարակախոսական լինելը ունեցող մի շարք աշխատությունները, որոնց մեջ անողոր քննադատության է ենթարկված դաշնակցականների և հայ մյուս բուրժուական նացիոնալիստների հակառույզությունը գործունեությունը Ա. Կարինյանի այդ աշխատությունները կարևոր են նաև մոտիկ անցյալի հայ հասարակական-քաղաքական կյանքի բազմաթիվ կնճռոտ հարցեր լուսարանելու համար:

«Խմբերիալիստական պատերազմը և Հայաստանը» գրքում (Երևան, 1924) Ա. Կարինյանը, հենվելով լենինյան դրույթների վրա, ցույց է տալիս, որ 1914 թ. պատերազմը մղվում էր իմպերիալիստական պետությունների շահերի համար և միաժամանակ մերկացնում կովկասահայ բուրժուազիայի և նրա մատական պարտիայի՝ դաշնակցության այդ պատերազմում խաղացած դերը, որը ազնվարար հետևանքներ ունեցավ հայ ժողովրդի համար: Հեղինակը գտնում է, որ դաշնակցությունը իր գործունեությամբ ծառայել է կովկասահայ բուրժուազիայի, ուսական ցարիզմի և միջազգային իմպերիալիզմի շահերին: Համաշխարհային առաջին պատերազմի ժամանակ ցարիզմի թելադրանքով և օգնությամբ դաշնակցների կազմակերպած հայ կամավորական շարժումը, հեղինակի կարծիքով, դրա լավագույն ապացույցն է: Հեղինակը փաստերով ապացուցում է, որ արևմտահայերը դեմ էին այս շարժման, բայց դաշնակցության ղեկավարությունը լսել չէր ուզում այդ մասին. շարունակելով իր հին ուղին:

Իմպերիալիստական տերությունների վրա հույս դրած դաշնակցների կառավարությանը մեղադրելով 1920 թ. աշնանը հայ-թուրքական պատերազմը հրահրելու մեջ, հեղինակը բացահայտում է նաև Սովետական Ռուսաստանի խաղաղասիրական առաջարկները համառորեն մերժելու և 1920 թ. ղեկտեմբերի 2-ին Թուրքիայի հետ ապօրինի պայմանագիր կնքելու քաղաքական զրդապատճառները: Աշխատությանը կցված են մի շարք կարևոր փաստաթղթեր, որոնք լույս են սփռում հեղինակի կողմից քննարկված հարցի վրա:

Ա. Կարինյանի վերոհիշյալ աշխատությունը, ինչպես որ պետք էր սպասել, քննադատության է ենթարկվում արտասահմանյան դաշնակցական մամուլում: Դաշնակցական «պատմագիր» Ս. Վրացյանը «Հայրենիքի» էջերում հանդես գալով դաշնակցության գործունեության արդարացումով, առանց որևէ իրական փաստի «ժխտում է» Ա. Կարինյանի գրքում առաջ քաշված մեղադրանքները դաշնակցության հասցեին: Ի պատասխան դաշնակցների վայրահաջության, 1926 թ. հրատարակվում է Ա. Կարինյանի երկրորդ աշխատությունը<sup>56</sup>, որի մեջ հեղինակը արժանի հակահարված է տալիս դաշնակ պարագլխին: Իր աշխատության առանձին գլխում հեղինակը բացահայտում է դաշնակցները կառավարության դիտավորությունը Սովետական Ռուսաստանի ներկայացուցիչ լեզրանի հետ 1920 թ. ղեկտեմբերի 2-ին Երևանում պայմանագիր կնքելիս: Աշխատության վերջին բաժինը նվիրված է Մերձավոր Արևելքի ժողովուրդների ազատագրական շարժման մեջ դաշնակցության՝ որպես միջազգային իմպերիալիզմի գործակալի խաղացած ստոր դերի մերկացմանը: Աշխատությանը կցված են 14 կարևոր վավերագրեր, որոնց մեծ մասը վերաբերվում է 1920 թ. հայ-թուրքական պատերազմին և սովետա-հայկական բանակցություններին:

<sup>56</sup> Ա. Կարինյան, Դաշնակցությունը փաստերի դեմ, Թիֆլիս, 1926:

Պատմագիտական որոշակի արժեք է ներկայացնում Ա. Կարինյանի «Հայ ազգայնականների ուղին» աշխատությունը<sup>57</sup>, որը փաստորեն ժողովածու է պարբերական մամուլում հրապարակված հեղինակի աշխատությունների և հոդվածների, որոնք պիսավորապես ուղղված են հայկական նացիոնալիզմի դեմ:

Հայկական նացիոնալիզմի դեմ է ուղղված Ա. Կարինյանի «Նացիոնալիզմի նոր դիրքեր» (Մոսկվա, 1929) գիրքը, որի մեջ հեղինակը վերլուծում է սոցիալ-քաղաքական այն պատճառները, որոնք ծնել են հայկական սմենովե-խականությունը, բացահայտում այդ նոր պաշտպանության իսկական էությունը:

Սակայն Ա. Կարինյանը իր աշխատություններում ճիշտ բնութագրելով դաշնակցության որպես հայ բուրժուա-նացիոնալիստական պարտիայի ավանտյուրիստական գործունեությունը, փաստորեն անտեսում է Թուրքիայի նվաճողական քաղաքականությունը Հայաստանի նկատմամբ: Պետք է ասել, որ նման մոտեցումը իշխող է եղել 1920-ական թվականներին սովետահայ պատմագրության մեջ: Այդ թերևս պետք է բացատրել մի կողմից դաշնակցության դեմ մղվող սուր պայքարի հրատապ անհրաժեշտությամբ, իսկ մյուս կողմից՝ այն քաղաքական իրադրությամբ, որ առաջացել էր այդ տարիներին Թուրքիայում:

Դաշնակցության անցյալ գործունեությունը մերկացնող մի շարք արժեքավոր աշխատություններ ունի Հ. Ազատյանը<sup>58</sup>: Դաշնակցության դասակարգային էության բնութագրմանը նվիրված հոդվածաշարքում հեղինակը գտնում է, որ դաշնակցությունը եղել է ոչ թե մանրբուրժուական, այլ խոշորբուրժուական պարտիա: Ըր տեսակետը հիմնավորելու համար հեղինակը հանդամանորեն կանգ է առնում Հայաստանի վերջին երկդարյա սոցիալ-տնտեսական և քաղաքական կյանքի վրա, փորձում է բնութագրել հայ հասարակական-քաղաքական շարժումների էությունը:

Հ. Ազատյանի աշխատության մեջ բացահայտված է դաշնակցության որպես բուրժուական արևմուտքի և ուսական ցարիզմի գործակալի ողջ էությունը: Հեղինակի գրչի տակ անխնա քննադատության է ենթարկված բուրժուական եվրոպայի դեմոկրատությունը, հայկական հարցի նկատմամբ նրա բռնած դիրքը: Սակայն Հ. Ազատյանի նշված աշխատության մեջ կան իր ժամանակի համար բնորոշ մի շարք սխալներ: Այսպես, օրինակ, նա միանգամայն ճիշտ քննադատելով հայկական հարցի լուծման բուրժուա-նացիոնալիստական ուղին, ճիշտ դնահատական չի տալիս հայերի ազգային-ազատագրական շարժումներին և այդ շարժման առանձին գործիչներին: Չի կարելի համաձայնվել հեղինակի այն պնդման հետ, թե «Դաշնակցության կազմակերպումով վերջնականապես ձևակերպվում, բուրժուական ու ավարտվում է այն շարժումը, որին սկիզբ է դրվում 17-րդ դարի վերջում կամ ամենաուշը՝ 18-րդ դարի 20-ական թվականներին»:

Դաշնականների 1920—1921 թվականների ավանտյուրիստական գործունեու-

57 Ա. Կարինյան, Հայ ազգայնականների ուղին, Մոսկվա, 1926:

58 Հ. Ազատյան, Դաշնակցության հակահեղափոխական գործունեությունը 1903—1908 թթ. ժամանակաշրջանում, Վենիսյան ուղի, № 1—2, 3—4, 1928: Դաշնակցության դասակարգային բնույթը, Վնուր ուղի, № 1—12, 1929:

59 Վնուր ուղի, № 1, էջ 196:

թյունը հաջող կերպով մերկացված է Գ. Չուրարյանի «Դաշնակցության տան-կական օրինակների և հայրենիքի փրկության կոմիտեն» գրքում: Հեղինակը փաստական նյութերի հիման վրա ցույց է տվել, թե միջազգային-քաղաքական ինչ պայմաններում ծնունդ առավ, ձևավորվեց և ընթացք ու վախճան ստացավ դաշնակցության տաճկական օրինակացիան: Հեղինակը բացահայտում է 1920 թ. հայ-թուրքական պատերազմի սանձազերծման գործում դաշնակցության խաղացած դերը, նրա՝ ի վնաս Հայաստանի շահերի ունեցած հակասովետական դիրքը, 1920 թ. դեկտեմբերի 2-ի Ալեքսանդրապոլի պայմանագրի էությունը և վերջապես ցույց տալիս «Հայրենիքի փրկության կոմիտեի» ղեկի քննարկական Թուրքիան կառույցած կոլոմոնոքուման սոցիալ-քաղաքական դրդապատճառները: Գ. Չուրարյանի աշխատությունը ունի թե պատմագիտական և թե՝ հրապարակախոսական բնույթ:

1929 թ. հրատարակվում է Գ. Արուվի «Դաշնակցությունն անցյալում և այժմ» գիրքը, որը դաշնակցության ամբողջ գործունեության պարզ ու հանրամատչելի քննադատական մի շարադրանք է: Դաշնակցության գործունեության առանձին կոլոմոնոք մերկացնող արժեքավոր հոդվածներով պարբերական մամուլում հանդես են եկել Ա. Մուսվաթյանը, Պ. Մակինյանը, Զ. Աշրաֆյանը, Ա. Երզնկյանը, Հ. Եկավյանը, Հ. Գարրիելյանը, Ե. Չուրարը և ուրիշներ:

Դաշնակների հրահրած 1921 թ. քաղաքացիական կռիվների պատմություններ, ավելի ճիշտը ռազմական գործողությունների վերլուծությունը հաջող կերպով տվել է քաղաքացիական կռիվների ղեկավար գործիչներից մեկը՝ Լորդոզ հայկական զնդի հրամանատար Ա. Բաղդասարյանը<sup>60</sup>:

1920-ական թվականներին հայ մարքսիստների ուղադրությունից չի վրիպել նաև մյուս պարտիաների և քաղաքական կազմակերպությունների գործունեությունը: 1922 թ. հրատարակվում է Ա. Մուսվաթյանի «Սոցիալիստ հեղափոխականներն Անդրկովկասում» բրոշյուրը, որի մեջ փաստերով մերկացվում է էսեռների գործունեությունը ինչպես Հոկտեմբերյան ռեոլյուցիայից առաջ, այնպես էլ դրանից հետո, հատկապես Բարվում:

Սպեցիֆիկների՝ այսպես կոչված հայ սոցիալ-դեմոկրատական բանվորական կազմակերպության պատմաքննական վերլուծությունը տվել է Ս. Կասյանը իր «Սպեցիֆիկներ և սպեցիֆիզմ» աշխատության մեջ (Թիֆլիս, 1928): Ընդհանուր բնութագրելով սպեցիֆիկների կազմակերպության էությունը, վերհանելով նրա հատկապես կազմակերպական հարցերում ունեցած սխալ դիրքը, հեղինակը, սակայն, կրակի տակ է առնում նաև որոշ ժամանակ սպեցիֆիզմին հարած, բայց վաղուց դրանից հրաժարված կոմունիստական պարտիայի այնպիսի անձնավեր գործիչներին, ինչպիսիք են՝ Ա. Մյասնիկյանը, Ա. Հովհաննիսյանը, Ա. Կարինյանը, Հ. Հովսեփյանը և ուրիշներ: Չափազանցնելով նրանց կոլոմից թույլ տրված առանձին սխալները, կառչելով նրանց արտահայտած մի քանի անհաջող մտքերին, հեղինակը սուրյակտիվ, ըստ էության անհիմն դատապարտման է ենթարկում նրանց:

1920-ական թվականներին որոշ աշխատանք է կատարվել նաև Հայաստանի կոմունիստական պարտիայի պատմության ուսումնասիրության ուղղությամբ: Առաջին փորձը կատարել է Հայաստանի կոմունիստական պարտիայի

<sup>60</sup> Ա. Բաղդասարյան, Քաղաքացիական պատերազմը Հայաստանում, Երևան, 1928, Երկրորդ հրատարակություն, Երևան, 1931:

հնազույն գործիչ Ա. Մուսվաթյանը 1928 թ. լույս տեսավ նրա «Երբ և ինչպե՞ս է հիմնադրվել Հայաստանի կոմունիստական (բոլշևիկների) կուսակցությունը» գրքույկը, որի մեջ հեղինակը տալիս է Հայաստանի կոմունիստական պարտիայի հիմնադրման համառոտ պատմությունը, հերքելով այն տեսակետը, որով Հայաստանի կոմունիստական (բոլշևիկների) կուսակցությունը նույնացվում էր արևմտահայ աշխատավորության մեջ գործելու նպատակով ստեղծված Հայաստանի կոմունիստական կուսակցության հետ<sup>61</sup>։ Այդ տարիներին լույս տեսան նաև մի շարք բրոշյուրներ և արժեքավոր հոդվածներ, նվիրված հայ ականավոր ռեվոլյուցիոն գործիչների կյանքին ու գործունեությանը<sup>62</sup>։ Պետք է նկատել, որ նրանցից մի քանիսի մեջ կան որոշ սխալներ, ոչ ճիշտ ձևակերպումներ։ Որոշ աշխատանք է կատարվել նաև Հայաստանի կոմկուսի միությունն պատմության ուսումնասիրման ուղղությամբ<sup>63</sup>։

1920-ական թվականներին հրատարակվել են արխիվային փաստաթղթերի մի քանի արժեքավոր ժողովածուներ<sup>64</sup>։

Ամփոփենք։ 1920-ական թվականների սովետահայ պատմագրությունը մեծ դեր խաղաց սովետահայ պատմական մտքի զարգացման մեջ։ Այդ տարիներին ծավալված դադափարական պայքարում հայ մարքսիստական պատմագիտությունը իր հաստատուն տեղը գրավեց և զղալի նվաճումներ ձեռք բերեց կղերա-ֆեոդալական և բուրժուական պատմագրության կոնցեսսիաների ջախջախման գործում։ Հատկապես մեծ աշխատանք կատարվեց դաշնակցության հակաժողովրդական գործունեության և բուրժուա-ազգայնական դադափարախոսության մերկացման ուղղությամբ։ Դրա հետ միասին մոտիկ անցյալի ռեվոլյուցիոն շարժումների, հատկապես Մայիսյան հեղափոխության ասպետմբռնության պատմության վեր հանումը դարձավ սովետահայ պատմագրության առաջնահերթ խնդիրներից մեկը։

Հաջորդ տասնամյակում՝ 1930-ական թվականներին և նրանից հետո հրատարակվեցին ինչպես հայադեմ-պատմաբանների ավագ սերնդի ներկայացուցիչների, այնպես էլ նոր, սովետական շրջանում աճած պատմաբանների բազմաթիվ աշխատություններ, որոնց մի մասը զրկել և սուղադրության է պատրաստվել 1920-ական թվականներին։

61 Հայաստանի կոմունիստական պարտիայի ձևավորման մասին վերջերս մամուլում առաջ քաշված կարծիքներին շեղ. անդրադառնում։

62 Ա. Կարինյան, Ստ. Շահումյան, Մոսկվա, 1925։ Ա. Կարինյան, Գ. Սիմոնյան, Ալ. Մարտունի-Մյասնիկյան, Երևան, 1925։ Ս. Մեղվեղև-Տեղեդուսյան, Հեղափոխության հերոսը (բնկ. Կամո), Երևան, 1926։ Ս. Խանոյան, Սուրեն Սպանդարյան, Երևան, 1927, նույնի Մելիք Մելիքյան (Դեղուշկա), Երևան, 1928։ Սիմալ, Ասքանազ Մուսվաթյան, Երևան, 1928։

63 Հ. Գաբրիլյան, Երիտասարդական շարժումը Հայաստանում, Լենինական, 1924։ Հ. Գաբրիլյան, Սպարտակը Հայաստանում, Երևան, 1928, Երկրորդ հրատ., Մոսկվա, 1931։

64 Դաշնակցության կառավարության գոկոմենտներից։ Ա. Մյասնիկյանի առաջարկով, Երևան, 1922։ Ղաֆարյուի և Զանգեզուրի կոմիտեի նյութը հավաքեց Վ. Տամբուշի, Երևան, 1922։ «Հայաստանի ավտոնոմիան» և Անտանտը, Ա. Հովհաննիսյանի առաջարկով, Երևան, 1926։ Армянский вопрос на Позанской конференции, с предисловием П. Макинцьяна, Тифлис, 1926։ Մի շարք կարևոր փաստաթղթեր են հրատարակել նաև առանձին զրբերում ու դիտական առաջադրելով Ա. Հովհաննիսյանը, Ա. Կարինյանը, Լեոն, և Մելիք-Յուլյանը և ուրիշներ։